

四庫全書

子部

欽定四庫全書

記纂淵海卷二十三

宋 潘自牧 撰

郡縣部

河東路

太原府

倚郭一
外縣九

陽曲
太谷

榆次

壽陽

盂

交城

文水

祁

清源

平晉

郡號晉陽 太原 冀寧

郡沿革天文參井分野禹貢冀州之域舜初以冀州地

廣分置并州後復省入冀周置并州成王封弟叔虞於此為唐國春秋時為晉國戰國時屬趙秦置太原郡治晉陽漢兼置并州東漢末省并入冀三國魏復置并州改太原郡為國晉為劉淵所據後沒於石勒後魏仍為太原郡後周置并州總管府隋初郡廢大業初罷州為太原郡唐為并州後置大都督府開元中改并州為太原府屬河東道天寶初加號北京五代時唐為西京又改北京本朝為太原府太原郡河東節度

沿革表

縣沿革陽曲本秦太原郡狼孟縣漢置陽曲縣本朝因之太谷本晉大夫陽處父邑隋改為太谷縣以縣西有大谷故名本朝仍舊榆次春秋時晉魏榆邑漢置榆次縣壽陽春秋時晉馬首邑晉始置壽陽縣孟本春秋時仇猶國晉為大夫孟丙邑名曰孟交城本漢晉陽縣西境隋始置交城縣因縣界有古交石城故名文水春秋時為晉平陵邑魏置受陽縣隋改曰文水取縣西文谷水為名祁春秋時晉大夫祁氏邑漢為祁縣清源春秋

時晉地名清源又名梗陽隋置清源縣以水為名平晉周唐叔虞始封之地秦置晉陽縣本朝以縣為平晉軍

尋罷軍為縣

同上

形勝亭子山在府北三十里下有桃花三洞乃白翎讀書處石尖山在府城西六十里有孤石立於汾水側高十餘丈罕山在府城東北五十里榆次縣北比諸山獨為壯麗繫舟山在府城北九十里禹治水繫舟其上故名石室山在平晉縣西南七十里上有石室

壁間篆字人莫能測 鳳凰山在太谷縣南十里相傳
拓跋珪時鳳見此 仇猶山在孟縣北七里上有仇猶
君廟 藏山在孟縣北五十里相傳程嬰公孫杵臼藏
趙孤處上有二人廟 隱泉山在文水縣西南二十五
里卜子夏退老西河之上即此旁有子夏室 汾河在
府西二里 晉水在平晉縣西南二十里即智伯遏水
以灌趙城者 壽水河在壽陽縣西二里 孔河出交
城縣北一百二十里 晉陽宮在故唐城內春秋時董

安于理晉陽公宮即此至今宮殿甚多 籌邊樓在府治內馮京守太原時所建 天門關在府城北四十里 隋煬帝所開 石嶺關在府城東北一百二十里 馬陵關在馬嶺 伏馬關在孟縣東北七十里 榆棗關在孟縣東一百一十里 赤橋在平晉縣西南 臺駘廟在平晉縣境祀金天氏之子 漢文帝廟在陽曲東北 諸葛孔明廟在太谷縣 陶唐城在清源縣俗謂之姚城 唐城即平晉城治本唐叔虞子燮父徙都之

所

興地
紀勝

人物周狐突晉大夫懷公初立突之子從重耳公令突
召之不從而死 狐偃突之子相文公伯天下其功甚
多 公孫杵臼程嬰二人皆趙朔客保全趙氏孤兒後
世賢之 漢常惠平晉人武帝時隨蘇武使匈奴留十
餘年始歸朝廷嘉其忠勤拜光祿大夫 郇越平晉人
明經飭行舉孝廉茂才以病去官散其家財十餘萬以
贍九族顯名當世 溫序平晉人為侍御史遣護羌校

尉為隗囂將所執迫令從已序誓不貪生伏劍而死

王允郡人家世仕宦郭林宗見而奇之以為王佐才累官豫州刺史 王烈郡人少師陳寔以孝友稱鄉里有

爭訟質於烈咸服 三國郭淮陽曲人舉孝廉事魏屢

立戰功累遷征西將軍都督雍梁諸軍事 孫資平晉

人曹操聘之不應荀彧常稱曰北州賢智惟孫彥龍耳

王昶晉陽人事魏累官兗州刺史賜爵關內侯常為

書程教子弟方嚴 溫恢祁人舉孝廉事魏為侍中子

六人並知名世號六龍 晉溫羨恢之孫少聰敏拜豫
州刺史以功封大陵縣公 郭奕陽曲人少負重名山
濤稱其高簡有雅量官至尚書 王渾昶長子遷徐州
刺史破吳有功官至司徒 郭澄之陽曲人少有才思
相劉裕封南豐侯 王承濟之子弱冠知名為東海太
守政尚清淨為中興名臣第一 王述澄之子幼孤事
母以孝聞時為臨海太守累官尚書令 王坦之述之
子少與郗超俱負重名封安北將軍弟禧之尚德陽公

主歷中書侍郎 溫嶠義從子博學能文拜大將軍為

劉琨所禮討除叛亂皆嶠之謀累遷開府儀同三司

南北朝王玄謨祁人事宋為彭城太守遷豫州刺史加

都督 唐溫大雅祁人高祖時定儀典拜黃門侍郎禮

部尚書封黎國公弟彥博累官中書令彥將以功封清

河郡公 武攸緒文水人武后之兄武后專制攸緒棄

官歸隱終身不仕 狄仁傑平晉人舉明經常登太山

見白雲曰吾親舍其下悵望久之後勸武后歸政太子

人稱其取日虞淵斗南一人累官平章事封梁國公

王維平晉人舉進士第一善詩常因祿山反傷感有百僚何日再朝天之句官至尚書右丞武元衡為御史

中丞德宗稱其為真宰相器後拜相其弟儒衡亦高雅官至戶部左侍郎溫造姿表魁傑初為殿中侍御史

劾李祐違制進馬祐曰吾膽落於溫御史皇朝楊業

平晉人屢立戰功時號為楊無敵屢敗契丹卒贈太尉

呼延贊平晉人以積功累官至康州團練使

同上

集塞外悲風切交河水已結潮海百重波陰山千里雪

迥成危烽火層巒引高節

唐太宗

金闕九層鄙蓬萊之已

陋玉樓千仞恥崑閬之非奇落月低於桂筵流星起於

珠樹

唐太宗

霜威出塞早雲色渡河秋夢遶邊城月心飛

故國樓思歸若汾水無日不悠悠

李太白

陰壑生虛籟月

林散清影天闕象緯逼雲卧衣裳冷

杜甫

還攜堂郎向并

州將相兼權是武侯時難獨當天下事功成却進手中

籌再三陳乞爐烟裏前後分張玉按頭

王建

解放角鷹逐

塞鳥能將代馬獵秋田山頭野火寒多燒露裏孤峰濕

作烟

崔顥

邑傳榆石在路遶晉山微別意方蕭瑟新秋一

葉飛

韋應物

本朝太平興國四年平劉繼元降為緊州軍事毀其城
移治於榆次又廢太原縣以平定樂平二縣屬平定軍
交城屬大通監七年移治唐明監舊領河東路經畧安
撫使元豐為次府大觀元年陞大都督府開寶元年自
大通監來隸交城熙寧三年廢晉平入陽曲政和五年

復

沿革

并州自古多豪傑戰爭五代幾百年天開地闔

真主出猶須再駕方凱旋 并人昔遊晉水上清澈照

耀涵朱顏晉水今入并州裏稻花漠漠澆平田

並歐陽修

風

劈面疑裂凍粘髭有聲太陽過午暗暮雪照人明 沙

平寬似海鵬遠立如人絕域居中土多年息塞塵

並王正美

隆德府

倚郭一外縣七

上黨屯留

襄垣

潞城

壺

關

長子

涉

黎城

郡號上黨

郡沿革天文參井分野禹貢冀州之域商時為黎國書
曰西伯戡黎即此後為赤狄潞子嬰兒復立黎國戰國
初為韓之別都後屬趙秦置上黨郡治長子晉徙治潞
縣後周始置潞州領上黨襄垣二郡隋初郡廢大業初
改州為上黨郡併置上黨縣唐復為潞州天寶初改上
黨郡乾元初復為潞州後置昭義軍節度屬河東道五
代時梁改匡義軍唐改安義軍晉復昭義軍本朝改昭
德軍後陞為隆德府

沿革表

縣沿革上黨商時為黎國地秦置上黨郡本朝為上黨
縣屯留春秋晉余吾邑又名屯留漢置縣襄垣秦始置
縣屬上黨以趙襄子所築故名潞城本春秋時潞子嬰
兒國晉滅之漢置潞縣後魏改刈陵縣隋初廢後置潞
城縣壺關本黎國地春秋時屬晉漢始置壺關縣長子
本周史辛甲所封之地左傳晉人執衛行人石買于長
子即此漢置長子縣涉古沙侯國地漢置漢縣後因漳
水人民徙涉遂名涉縣黎城古黎侯國隋始置黎城縣

形勝壺關山在郡城東南十三里山形似壺漢於此置
關 栢谷山在郡城東北十三里與太行山相連山多
栢樹 五龍山在上黨東南二十五里時有五色雲見
於此上有五龍祠 雄山在上黨城東六十里比諸山
特為雄壯故名 紫雲山在長子縣東四十里唐明皇
潛於潞重九日與群臣登山見有紫雲氣故名 疑山
在屯留縣西十里魏孝文帝幸潞見此山有伏龍疑而
不進其後唐玄宗自潞入蓋其應也 鹿臺山在襄垣

縣南二十里 羊腸坂在壺關東南一百六十里盤曲如羊腸 絳水出盤秀山下 神農井在羊頭山後即神農得嘉穀處 長平關在長子南四十里即秦白起坑趙卒四十萬處 吾峪關在黎城北二十里 丹朱城在長子縣治堯子丹朱所築 微子城在潞城東十五里殷微子所封之處 黎侯城在黎城東南三十里春秋荀侯滅潞立黎侯即此

輿地紀勝

人物周豫讓上黨人為智伯臣簡子滅智氏讓為報仇

不忘國士之遇

漢馮奉世上黨人學春秋善兵法韓

曾舉為衛侯使擊莎車威震西域賜爵關內侯 馮野

王奉世次子為隴西太守以治行高入為左馮翊遷大

鴻臚 鮑永屯留人性至孝更始中遷尚書僕射行大

將軍以破青犢功封中陽侯 晉續威上黨人博覽經

籍仕為東安太守有治績 南北朝堯暄長子人美貌

恭慎仕魏累官大司農三子二孫俱膺顯職 唐苗晉

卿壺關人舉進士累官中書舍人知吏部後為魏郡太

守政化大行肅宗時拜左相 皇朝李崇矩上黨人有

志行鄉里推服平澤潞征揚州皆有功累官太傅 張

延通潞城人性穎悟有才幹初為通使舍人歷官兵馬

都監 李處耘上黨人初隸太祖帳下臨機決事謀無

不中後以功遷樞密副使 李繼昌崇矩子性謹厚官

至連州刺史 李繼隆處耘子善騎射征伐四方皆有

功累遷鎮安軍節度使

同上

集倚天長劍截雲孤報國縱橫見丈夫五載登壇真宰

相九重分閫正司徒曾聞轉戰平堅寇共說題詩笑腐
儒料敵知幾在方寸不勞心力講陰符 鼓角因風飄

朔氣旌旗映水發秋光河源收地心猶壯笑向天西萬

里霜

並楊景山

天晴紅幟當山滿日暮清笳入塞長年少功

高人最羨漢家壇樹月蒼蒼

同上

悠悠捲旆旗飲馬出長

城寒沙連騎迹朔吹斷邊聲胡笳清玉塞羌笛韻金鉦

絕漠干戈戢車徒振原隰都尉反龍堆將軍旋馬邑揚

麾氛霧靜紀石功名立

唐太宗

盛德雄名遠近知功高先

乞守藩維銜恩暫遣分龍節署勅還同在鳳池天子親臨樓上送朝官齊出道傍辭明年塞北清藩落應起生

祠請立碑

張文
昌

本朝太平興國初改昭德舊領河東路兵馬鈐轄兼提舉澤晉絳州威勝軍屯駐伯本城兵馬巡檢事本潞州監中靖國元年改為軍崇寧三年陞為府仍還昭德舊節天聖三年徙黎城於涉之東南白馬驛熙寧五年省入潞城縣元祐元年復

沿革

地形西控三秦遠河勢南

吞二華秋晉魏兵爭一春夢漢唐壇祀幾荒丘披圖弔

古今人慨不必重登鸛雀樓

馮叔獻

秦兵伏甲武安西趙

將非材戰士攜千里陣雲沉曉日萬家屋瓦震秋聲

蕭真

御

平陽府

倚郭一外縣九

臨汾洪洞

襄陵

神山

趙

城

汾西

霍邑

冀氏

岳陽

和川

郡號平陽河東晉寧

郡沿革天文齒參分野禹貢冀州之域堯都平陽即此

以其地在平水之陽故名春秋屬晉戰國屬韓後屬趙
秦漢皆為河東郡地三國魏始置平陽郡晉仍舊後趙
兼置東雍州孝昌中改唐州建義初又改晉州隋改郡
曰平河尋廢郡為州大業初改臨汾郡義寧初復改平
陽郡唐改為晉州天寶初改平陽郡乾元初復為晉州
五代梁置定昌軍節度改建雄軍節度本朝州軍仍舊
政和中陞州為平陽府

沿革表

縣沿革臨汾本漢舊縣屬河東郡晉改曰臨汾縣洪洞

春秋時楊侯國隋改為洪洞縣以鎮為名襄陵本晉大夫卻犂食邑以襄公陵在此故名神山本漢河東郡唐武德中始析置浮山縣尋改神山縣趙城周穆王封造父之地春秋時趙簡子居之隋為霍邑地後乃分置趙城縣汾西本漢珣縣地後魏置汾西郡隋初改為汾西縣霍邑禹貢岳陽即此地隋置霍邑縣以霍山為名冀氏漢河東郡地後魏置冀氏縣岳陽亦漢河東郡地禹貢岳陽即此和川本後魏義寧縣隋改為和川縣後廢

唐復置本朝因之

同上

形勝平山在郡城西南二十五里即姑射山之支也平
水出焉 卧虎山在府城東三里以形似名 石孔山
在郡城西三十五里九孔相通深不可測 姑射山在

郡城西五十里上有姑射蓮花二洞即莊子所謂有神
人居焉者 三磴山在襄陵縣西南十五里上有龍祠

崇山在襄陵縣東四十五里山頂有塔並卧龍祠

南堯山在神山縣東八里上有堯祠 浮山在神山西

六十里相傳洪水時隨水消長故名 霍山在縣東南
三十里為冀州之鎮 秦王嶺在神山縣東北四十里
唐太宗為秦王時至此故名下有秦王廟 太平關在
襄陵縣南三十五里 豫讓橋在趙城南十里即豫讓
為智伯報仇處 伏羲廟在趙城南十里 堯廟在郡
城南 伯益廟在堯廟西 臯陶墓在洪洞南三十里
人物周師服晉人穆侯時為賢大夫 荀息晉人獻公
時請假道于虞以伐虢後死太子之難 卻芮獻公時

為大夫食邑于冀 士為獻公時為大夫 趙夙畢萬
獻公時大將俱有奇功 卜偃獻公時上大夫荀息伐
虢偃知必勝當時賢之 里克獻公時賢大夫獻納甚
多 介之推文公出亡時相隨有功 欒枝事文公為
大夫將下軍趙衰讓之為卿 鉏麇晉之力士也靈公
令殺趙宣子麇不從觸槐而死 祁奚為晉中軍尉嘗
薦其子以自代當時稱其不避嫌 靈輒家貧有守嘗
報宣子一飯之德當時義之 董狐晉史官直書不諱

郤犇靈公時為賢大夫與郤志郤奇並號三郤 魏

顗魏武子之子嘗尊其父治命不殺其妾後蒙顯報

師曠善審音為音律之祖 張儀善遊說顯于六國

藺相如仕趙為舍人奉璧入秦秦王不能屈當時壯之

漢紀信趙城人項羽圍漢王急信以身代 晉鄧攸

襄陵人永嘉之亂棄子負姪元帝時為吳郡太守甚清

介累遷尚書右僕射 皇朝邢昺神山人精于易太宗

召為國子監丞後至學士 郭純洪洞人中進士官至

宣德郎長于史學溫公稱其有遷固才

輿地紀勝

集姑射聊長望平陽遂宛然舜耕餘草木禹鑿舊山川

杜甫魏武中流處軒轅問道回長堤春樹發高掌曙雲開

龍負王舟渡人占仙氣來河津會日月天仗役風雷東

顧重關盡西馳萬國陪遙聞股肱郡元首咏康哉

張九齡

東咏唐虞迹西觀周漢塵山河非國寶明主愛忠臣

張說

胡來不覺潼關隘龍起猶聞晉水清

杜甫

大始之氣有清

濁結濁為山浚清為岳其山維臣其岳維君惟南之鎮

曰霍為尊

皮日休
山賦

豫讓酬恩歲已深
高名不朽到如今

年年橋上行人過
誰有當時國士心

關

本朝建雄軍節度政和六年陞為府
熙寧五年廢慈州

鄉寧縣分隸襄陵熙寧五年省趙城為鎮
隸洪洞元豐

三年復為縣太平興國六年廢沁州以縣來屬
和川熙

寧五年省為鎮入冀氏元祐元年復為縣

沿革表

人言洞

府是龍宮升降隨波與海通
共坐船中那得見乾坤浮

水水浮空

東坡題
浮山

晨鷄三唱未開關
留滯行人更解鞍

却上月明高處立曉風吹面作清寒

劉景文

鹿走中原兩

虎爭滎陽圍解事堪驚當時拔劍論功者失口何人說

紀生

李濟夫

西山萬古壯陪京一日汾流入廢城浩浩市

聲爭曉集灼灼原隰但秋耕晉公老去詩仍在越石亡

來恨未平千尺浮圖暮煙底瓦盆濁酒為誰傾

元德明

絳州

倚郭一外縣六

正平

曲沃

太平

翼城

稷山

絳垣曲

郡號絳陽

郡沿革天文背分野禹貢冀州之域春秋時屬晉即故絳與新田之郡後屬魏漢為河東郡臨汾縣地魏屬平陽郡後魏置正平郡並置東雄州治栢壁後周改為絳州徙治玉壁隋初郡廢徙州治東雍州城後改絳郡治正平唐復為絳州本朝仍舊

沿革表

縣沿革正平春秋時晉絳地隋置正平屬絳州曲沃春秋時晉文侯弟成師封沃即此後魏始置曲沃縣太平本漢河東郡臨汾縣地後魏始置太平縣以在太平故

關城故名翼城春秋時晉絳邑後更曰翼隋改為翼城
縣稷山春秋晉侯治兵于稷即此隋為稷山縣以山為
名絳縣春秋為晉都漢為絳縣因縣有絳山故名垣曲
即周召分陝之處漢為垣縣地本朝改為垣曲縣

同上

形勝九原山在州西北三十里昔趙文子與叔向觀于
九原即此 稷山在縣南五十里后稷播穀于此 太
陰山在絳縣東南十里崖壁峭絕日景不到故名 絳
山在縣西北二十五里 太行山在縣東十里 折腰

山在垣曲北七十里山有銅冶 絳水在絳縣西智伯

言絳水可灌安邑即此 聖水井在絳縣西三十里有

疾者飲之常愈 鼓堆泉泉上有堆如覆釜履之有聲

如鼓傍有聖母祠 舜井在垣曲縣北五十里有舜祠

桐鄉城在曲沃縣西南四十里伊尹放太甲于桐即

此 唐城在翼城縣南十五里成王封太叔即此 東

圃在翼城治東北內有阜民廳錦江邀月疊翠五柳亭

絳守居園池在州治北內引鼓堆泉為大池中建泗

連亭旁植竹木花柳郡守憩息于此 廉城在稷山縣
西南十二里為後周重鎮魏王思政刺并州所築 九
層臺在太平東南二十五里按說苑晉獻公築九層臺
即此 子奇壘秦王姚興遣弟子奇為征虜將軍所築
稷王城在縣西三十里故址微存 絳侯封邑在絳
縣西二十里漢周勃所封之地 亳城在垣曲西十二
里昔成湯于此誓衆 葛城在垣曲西南五里即葛伯
所居之地 古陽壺城在垣曲南二里 瞽瞍塚在垣

曲東北六十里 后稷墓在稷山南五十里

輿地紀勝

人物南北朝楊擢正平人少豪俠仕後魏拜伏波將軍
後以功封侯 唐裴守真稷山人舉進士六科連中官
太常博士後為寧州刺史民懷其政卒贈戶部尚書子
餘中明經累官冀州刺史有惠政次耀卿擢童子科累
官京兆尹拜同平章事 尹知章翼城人少夢人持斧
鑿其心驚寤從此志慮開明貫徹六經為世通儒官太
常博士擢禮部員外郎 高秀岩稷山人以擊吐蕃授

萬福府別將累遷戶部尚書安史之亂與李郭同援社稷有大功 裴佶稷山人舉進士第授補闕請討李懷光及阻用盧杞言甚切直後代韋士文為黔中觀察使夷部帖服累官工部尚書 皇朝裴濟稷山人耀卿之後屢征大敵俱有功後贈鎮江軍節度 張會元翼城人舉進士不第乃隱居教授造就人才甚多 張觀絳

縣人中服勤詞學科第一後擢御史

同上

集萬里橫戈探虎穴三盃拔劍舞龍泉

李

白城開周京轉

關河陝祁連稍觀汾水曲俄指絳臺前

杜必蘭

發跡來南

海長鳴向北州匈奴猶未滅畫地取封侯

楊炯

塞垣通碣

石虜陣抵祁連相思在萬里明月不長懸

盧果之

陣去金

河冷書歸玉塞寒帶月凌空易迷烟退浦難

駱賓王

將軍

大旆掃狂童選詔文臣贊武功暫逐虎牙臨故絳遠含

鷄舌過新豐

李義山

匈奴猶未滅魏絳復從戎悵別三河

道言追六郡雄

陳子昂

本朝熙寧五年廢慈州以鄉寧縣分隸太平稷山

沿革表

嘗聞紹述絳守居偶來登覽周四隅異哉樊子恠可吁

心欲獨出太古初

歐陽修

自此兩河間寂寂無戎備卒閒

喜夜歌將老貪春睡

陶商翁

盛時文化無烽火玉壁關頭

月滿山

同上

澤州

倚郭一外縣五

晉城高平

陽城

端氏

陵川

沁水

郡號高平

州沿革天文皆參分野禹貢冀州之域春秋屬晉戰國

屬韓後屬趙秦為上黨郡高都縣地漢為上黨河東東
郡地後魏置建興郡治高都城兼置建州北齊又置長
平高都二郡後周並為高平郡隋廢郡改建州為澤州
治丹川縣大業初廢州置長平郡唐初復改置建州又
于高平縣置蓋州尋廢建州徙蓋州治晉城縣又置澤
州治端氏縣貞觀初廢蓋州而以澤州治晉城天寶初
為高平郡乾元初復為澤州會昌初置河陽府本朝屬

河南道

沿革表

縣沿革晉城唐析丹川為州附郭縣後以丹川蓋城二
縣省入高平本戰國趙長平地漢置泫氏縣後魏屬長
平郡北齊改高平縣陽城本漢河東郡獲澤縣唐天寶
初改為陽城縣端氏史記趙韓魏三家分晉封晉君之
子于端氏漢為端氏縣屬河東郡本朝屬澤州陵川本
漢泫氏縣地隋屬澤州因縣境陵阜環列故名沁水漢
舊縣屬河內郡隋置沁水縣屬澤州

同上

形勝司馬山在州城北十里上有晉司馬懿祠 太行

山在州東南三十里 天池嶺在州城東三十七里上
有二石門可容千人晉常設寨備兵 嶽神山在州西
四十里上有天仙洞 石人山在州城東南十里太行
山巔其石類人形故名上有龍潭 金峰山在高平縣
三里上有凌煙寺 頭顱山在高平西五里秦白起坑
趙降卒四十萬後人收葬于此居民祀之 羊頭山在
高平東北三十里神農嘗五穀于此今有秦二畹其南
陰地秦白其北陽地秦紅因之以定黃鐘 金門山在

高平北五里當趙營壘之門其地赤色日照如金 韓
王山在高平縣乃縣之主山也其山獨高上有平地數
畝昔秦圍韓王于此故名 走馬嶺在高平縣西北十
里出鐵礦 米山在高平北十里趙將廉頗軍長平積
米于此故名 懸壺山在高平西南二十五里上有懸
壺真人祠 馬武山在靈川縣東五十里漢馬武常屯
兵于此 史山在陽城縣東北三十里產鐵 析城山
在陽城境七十五里下有神池其深莫測即成湯禱雨

處 空倉山在沁水東一百四十里秦白起詭運置倉
以給趙括 嘉潤池在州北十里上建廟人有禱者以
香紙投池誠則沉不誠則浮 雷澤在陽城西北十里
墨子謂舜漁于雷澤即此 神農井在羊頭山下 義
井在陵川西二十里其地少井里人以次而汲無敢紊
者 溫泉在州南 銅鞮城在州南四十里本晉大夫
羊古赤邑 擲筆臺在州南三十五里相傳慧遠禪師
隱此著涅槃經成擲其筆曰若疏義契理筆當駐空已

而果然 宣聖迴車轍在州南四十五里孔子將入晉
聞趙簡子殺賢大夫竇鳴犢舜華至此迴車有遺跡存
桑林在陽城西南五十里成湯禱雨於此其地至今

多桑

輿地
紀勝

人物漢原臣高平人常為谷口令方古循吏 陳龜泣
氏人舉孝廉累遷京兆尹 南北朝徐招高平人少好
法律仕元魏以功進爵為侯 檀耆高平人好讀書工
文雅善鼓琴為世所重官中書舍人封高唐子 蔡襲

高平人仕魏為齊安都守後從孝武西征賜爵平舒縣伯子祐少有大志事母以孝聞仕魏為都督後以功封莒鄉縣伯 田弘高平人慷慨有謀畧事周累遷驃騎大將軍 五代段思恭州人仕周為左司員外郎 趙振陵川人性淳厚父歿哀感三年人稱其孝貲產盡讓兄好周貧乏喜施藥嘗遇異人言其有陰德後二子安時安榮皆狀元及第 皇朝宋太初晉城人舉進士為大理評事累官御史中丞都轉運使以善政聞 劉義

叟晉城人歐陽修薦其學術試大理評事終于崇文館

檢校 李異高平人精韻學長子林舉進士次子森發

解第一森子長曼幼年登第曼子長伯疇高才能文次

中立又登第祖孫襲箕裘之業一門最盛

同上

集關河三晉路宿從五原人孤戍雲通海平沙雪度春

酬恩省玉劒何處有煙塵

並皇甫
孝常

浩渺浸雲根煙嵐

出遠村望水知柔性看山欲斷魂

宋延清

積氣衝長島浮

光溢大川 十年通大漢萬里出長平寒日生戈劒陰

雲拂旆旌饑烏啼舊壘疲馬戀空城

並沈雲卿

本朝舊設天井關于晉城縣靖康元年改名雄定關

沿革

表

十里驅車陟太行秋風高拂鬢絲涼關當天井間靈

籟路出羊腸繞大荒

文彦博

此子徒能讀父書兵降始信

蘭相如却令後代承家者每到長平誠覆車

文彦博

西山

萬古壯陪京一日汾流入廢城浩浩市聲爭曉集昀昀

原隰但秋耕晉公老去詩仍在越石亡來恨未平

元德明

關河迢遞繞黃沙慘慘陰風塞柳斜

朱少章

代州

倚郭一外縣三

嶠鴈門

五臺

繁峙

郡號鴈門

郡沿革天文參井分野禹貢冀州之域春秋時晉地後屬趙秦為鴈門郡漢治陰館即此地三國魏徙鴈門南度句注治廣武縣後周移肆州治此隋初郡廢置代州及改廣武曰鴈門縣大業中改州為鴈門郡唐改代州天寶初改鴈門郡乾元初復為代州本朝因之

沿革表

縣沿革鴈門春秋時晉地趙秦為鴈門郡隋改鴈門縣

崞漢舊縣屬鴈門郡五臺本漢慮虎縣屬太原郡隋改
為五臺縣因山以為名繁峙漢舊縣屬鴈門郡後魏置
繁峙郡後周郡縣並廢唐移今治本朝因之

同上

形勝舜山在州東南十五里上有舜井並廟牛斗山
在州西北三十五里上有七峯如北斗夏屋山在州
東北三十里趙襄子登夏屋誘代王使厨人操銅斗擊
殺之遂有代地山中有獸形如兔相負共行白仁岩
在州西北四十里上有石塔並說法臺定心石棋枰石

下有五井 鴈門山在州東北三十五里 代谷在州境內 鳳凰山在州南三十里相傳仁壽二年鳳見于此上有來儀觀並升仙鳳棲二處旁有諸洞孫真人鍊丹于此 崢山在縣西二十里上有神廟 天涯山在崢縣東南四十里上有石鼓神祠 將軍山在崢縣東南七十五里上有神廟廟前石上有馬蹄跡 秦戲山在繁峙縣東北一百二十五里滹沱源出此 聖鍾山在五臺縣境內上有勝跡二十二處 五臺山在縣東

北一百四十里上有五峯高出雲表山中圓光不時呈
現 洗參池在州境世傳仙人嘗于此洗藥 飲虎池
在州北 淳沱河源出繁峙縣 八角井在州城內

龍躍泉在州西北二十五里平地湧出舊傳潛通燕京
之天池 豹突泉在鴈門關西北流出塞 廣武城在

州西漢高帝械繫婁敬于此 薄村在州東北三十里
即漢文帝母薄太后所葬之地 斷景樹在州城西漢
文帝當迎立時猶豫不決卧于樹下遂寢日過樹景不

移今建白楊廟即此樹也 鹵城在繁峙東相傳每朝

濟雲霧中呈現樓堞門內似有人馬現則多雨豐年之

兆 說法臺在五臺縣西北三里

輿地紀勝

人物晉莫含繁峙人有才能初為叅軍後封關中侯

郝隆崞縣人累世同居詔復其家 解叔謙鴈門人母

有疾夜禱聞空中云須丁公藤可痊謙遂得丁公藤為

酒飲之果愈 周續之鴈門人年十二從太守范甯受

業通五經五緯後隱廬山與劉遺民陶淵明謂之潯陽

三隱 隋楊義臣州人有將畧為朔州總管受御甲之

賜有功進禮部尚書 唐茹汝升州人為僕射郡有水

災汝升祭之水不泛溢里人慕其德立廟祀之 五代

史建瑯鴈門人仕晉為先鋒破敵有功累官貝相二州

刺史 皇朝楊震崢縣人弓馬絕倫討方臘有功遷知

麟州 楊存中震子少警敏誦書日數百言為人魁梧

宣和末應募擊賊屢立奇功封同安郡王

同上

集高山代郡東接燕鴈門胡人家近邊解放胡鷹逐塞

烏能將代馬獵秋田

崔顯

冰壯飛狐冷霜濃候鴈哀將軍

朝受鉞戰士夜銜枚

沈佺期

漢南春色到潯沱邊柳青青

塞馬多萬里江山今不閉漢家頻許郅支和

李君虞

孤城

天北畔絕域海西樓

後殿函闕盡前旌鴈塞通

並岑參

本朝景德二年廢唐林縣舊置沿邊安撫司

沿革表

晴空

鴈起雲邊塞夕照人歸郭外村

李欽用

驂騑欣得路鴻鴈

惜離群木落黃華露城低紫塞雲

鳳山可是生來巧

堪與南樓作畫屏

孫德裕

忻州

倚郭一
外縣一

秀容
定襄

郡號定襄

州沿革天文參井分野禹貢冀州之域春秋屬晉後分屬趙秦屬太原郡漢為太原之陽曲縣地東漢末於此置新興郡治九原郡晉改為晉昌縣後魏置肆州治秀容城後周徙肆州于鴈門郡隋初復立新興郡及雲州後改郡為忻州取界內忻水為名大業中廢雲州及忻州以其地入樓煩郡唐復置新興郡領秀容縣尋復為

忻州又置定襄縣天寶中改定襄郡乾元初復為忻州

屬河東路

沿革表

縣沿革秀容後魏肆州治此縣後周徙州治鴈門縣定襄本漢陽曲地東漢末既移其民于太原近界置定襄縣以處塞下遺民入新興郡魏晉因之隋省定襄入秀容縣唐復置屬忻州本朝因之

同上

形勝九原山在州城西高九仞又名九龍岡獨擔山在州西南二十里出雲母石上有山神廟廣峪山在

州東南二十里中有石巖廣三丈建黌堂有神像 鍾

乳山在州西北三十里雙峰並峙 程侯山在秀容縣

北四十里因春秋程嬰得名 陀羅山在州西北四十

里高僧文殊曾遊於此上有足跡 忻口山在州北五

十里昔漢高祖出平城之圍還師次此六軍忻然故名

雲中山在州西北五十里下有谷雲中水所出 聖

阜山在定襄東北一十里石上有仙人二手跡一足跡

旁有溫泉 龍蒙山在定襄南二十五里山甚高春夏

雲氣相接即雨 居士山在定襄東南二十五里下有

石室昔魏宗室居此

輿地紀勝

人物南北朝薛雲州人性嗜學不樂仕進隱於覆舟山
皇朝賀惟忠定襄人性剛果知書曉兵法初授易州
刺史兼易定祁等州都巡檢捍衛有功名震北邊 輔

超州人勇悍有力初平上黨遷內直都知又征太原攀
壘先登太宗喜其勇賜錦袍銀帶累官萊州團練使

劉易州人性介烈博學好古喜談兵法韓琦知定州上

其所著春秋論授太學助教不就 姚氏二女定襄姚

廷玉女隨父官山東會賊衆破城被獲二女義不受辱

投水而死 劉晏妻張氏州人晏早卒張氏年二十一

守節四十年旌表其門 溫鍾妻喬氏定襄人年二十

二夫卒養親撫子始終一節

同上

集溪邊殘壘空雲水山上孤城對驛樓

劉蘊靈過定襄詩

孤峯

聳翠連三晉

姚合題鍾乳山詩

鑿開混沌露元氣散布森羅彌

梵天雲外無時不閒在樓居何處得超然

張文昌詠陀羅山詩

本朝熙寧五年省定襄入秀容元祐元年定襄復為縣

沿革表 百里行省層巘出五峯坐見彩雲舒四時利澤霑

群品誰識楊枝一洒餘王琮平吞嶺海烟波濶遠接天池

宇宙寬

蔣瑄詠九
原山詩

汾州

倚郭一
外縣四

西河
平遙

介休

靈石

孝義

郡號西河

郡沿革禹貢冀州之域天文參分野春秋時屬晉戰國時屬趙秦漢皆為太原郡地三國魏置西河郡治茲氏

縣晉為西河國後魏置汾州治蒲子城後移治西河北
齊改置南朔州後周改為介州隋初郡廢大業中州廢
復為西河郡治隰城縣唐初改浩州尋改汾州天寶初
改西河郡乾元初復為汾州屬河東道本朝因之

沿革表

縣沿革西河本漢太原郡茲氏縣地魏始置中陽縣屬
西河郡隋屬汾州唐貞觀初改西河平遙本漢平陶縣
屬太原郡晉屬太原國後魏以太武名燾改平遙縣隋
屬介休唐屬太原本朝因之介休本晉大夫彌牟邑秦

為介休縣以介山為名靈石本漢太原郡介休縣地隋開皇中巡幸汾水開道得瑞石有文曰大道永吉故名孝義本漢太原郡茲氏縣地後魏置永安縣隋屬汾州唐改孝義縣因縣人鄭興有孝義故名

同上

形勝羊頭山在州西北十五里狀類之故名萬戶山在州西二十里高八十丈堯時洪水諸山皆沒惟此山不沒所濟者萬戶故名白彪山在州西北三十里昔有騶虞見此故名石婆神山在西河縣西北三十里

舊傳此山無水有老嫗日遠汲以濟人沒後置祠祀之
比干山在州西北一百里昔比干築城於此 石室
山在州西三十里麻衣仙姑嘗隱此上有仙姑洞 謁
泉山在州西北四十里上有湯泉子夏嘗居此 介山
在介休縣東二十五里以介子推隱此故名 汾河在
州東二十五里 拔戡泉在介休縣東北二十里昔單
雄信與尉遲敬德戰於此挿戡於地拔戡遂出此泉
仁義河在靈石縣四十里引渠溉田民稱便焉 禁火

臺在州城內寒食祭介之推於此 仙槐樹在州治西

年久朽枯有異人投藥其中後復暢茂 黃華老人石

刻在州儒學內字甚遒勁老人姓王名廷筠

輿地紀勝

人物周介之推從晉文公出亡周旋艱險十九年文公

即位賞從者推不言祿祿亦不及推遂隱於緜山 漢

郭泰介休人禁黨錮時諸賢被禍泰獨全 晉王延西

河人九歲喪母哀毀踰禮善事繼母至孝官至尚書左

丞 南北朝郭文恭平遙人後魏時為太平令年踰七

十喪母過哀負土築墳後旌表 唐鄭興州人幼有至

性父卒食不入口者三日母病侍湯藥七日不解帶刲
股為羹以進母疾遂愈朝廷聞之表所居之里曰孝義

宋之問善詞章弱冠直習儀館武后召從臣賦詩之
問詩超於衆奪東方虬錦袍賜之問 辛雲京州人世

為將家子斬馘常冠諸軍遷太常卿後以功授開府儀
同三司封金城郡王 薛能州人舉進士官至工部尚
書長于詩有文集十卷行於世 五代薛融平遙人以

文學知名晉高祖鎮太原融為觀察使累遷尚書右丞
皇朝卒仲甫孝義人初拜左補闕太祖常求文武全
材趙普以仲甫對後為參知政事 文彥博介休人進
士及第初仕翼城榆次令後歷事四朝出將入相五十
餘年與富弼齊名累官至太師封潞國公 狄青州人

風骨竒偉善騎射初為延州指揮使討元昊四年間大
小二十戰八中流矢人呼為狄天使又平儂智高累立

大功拜樞密使

同上

集汾水晉山今古夢夕陽無語重徘徊

唐

少年初帶印

汾上又經過

韋應物詩

興逸橫汾體思波作頌才

袁暉詩

夢遶

邊城月心飛故國樓思歸若汾水無日不悠悠

李白

風霜

臣節苦歲月主恩深為語西河使知余報國心

崔顥

單于

莫近塞都護欲臨邊漠驛馳烟火胡沙泛水泉

同上送裴都護

赴西河

去年六月西河西

張道濟

本朝太平興國元年改孝義為中陽後復為孝義熙寧

五年省為鎮入介休元祐元年復

沿革表

汾流水合黃流

濁霍嶽山摩華嶽低

好問

漢家亭起向汾陰俯瞰中流百

尺深昔日遺基微有迹多年古栢自成林

蕭起

介休山下

兩閑人來訪汾陽舊使君明日却歸塵外去一雙白鶴

上青雲

許子靖送二道者歸汾州

遼州

倚郭一外縣三

遼山和順

榆社

平城

郡號樂平

州沿革天文參井分野禹貢冀州之域春秋時屬晉戰國初屬韓後屬趙秦屬上黨郡地漢為涅縣地屬上黨

郡晉屬樂平郡後魏置遼陽縣隋改置遼山縣屬遼州
大業州廢唐初復置遼州治樂平縣尋移治遼山改為
箕州先天初又改儀州中和間復曰遼州天寶初為樂
平郡乾元初復為儀州五代梁復改遼州本朝因之

縣沿革遼山本晉地隋改遼山縣和順本春秋晉大夫
梁餘子食邑漢為上黨郡地晉屬樂平北齊為榆縣隋
始改為和順因界內有和順城故名榆社本漢上黨郡
涅縣地晉為武鄉縣地隋始置榆社縣平城本晉樂平

郡城本朝省平城和順二縣為鎮入遼山縣

並沿
草表

形勝遼陽山在州城東三里縣名以此 箕山在州城

東南七十里上有石室壁間多古奇文字 紫羊山在

遼山縣東二十里 石鼓嶺在和順縣南三十里上有

石鼓 夫子嶺在和順縣境一百里人傳孔子周流至

此 孫臏坡在和順西一百二十里西接馬陵關即孫

臏伏兵處 千畝泉在州南三十里穴中湧出灌溉甚

多 韓信寨在和順縣即信破趙處 鹿苑在和順縣

西二里趙襄子嘗養鹿於此 古寨在榆社縣東南二

里旁有洞自古土人備兵於此

輿地紀勝

人物五代王中立榆社人事晉為潞州節度使累立戰

功卒封韓王 皇朝薛超州人少有勇力乾德應募為

虎捷卒伐蜀有功補虞候太宗時遷天武指揮使又從

征太原及禦契丹遷神衛軍都校後領澄州團練使

同上

集二十逐嫖姚胡兵遠戍遼雪迷經塞月冰壯渡河朝

張承吉

燕郊芳歲晚殘雪動邊城四月青草合遼陽春水

生

崔顥

青海聞傳箭天山報合圍

山李義

山河空遠道鄉國

自鳴砧巷有千家月人無萬里心

周利

沙填孤障角燒斷

故關碑

司空表聖

風急旌旗斷塗長鎧馬疲少鮮孫吳法家

本幽并兒

王融

馬色經寒慘鵬聲帶晚悲

司空表聖

本朝熙寧七年州廢省平城和順二縣為鎮入遼山縣

隸平定軍省榆社縣為鎮入威勝軍武鄉縣元豐八年

復置州縣鎮並復來隸元祐元年復置和順榆社平城

縣

沿革表

惆悵黃榆故山路碧天回首鴈南飛

朱師美

衰辭

薊北春初動路出遼陽雪未消驛堠狼煙寒報警邊城

戍火夜傳刀

萬節

橫吹催春酒重裘隔夜霜冰開不防禦

青草滿遼陽

司空文明

隰州

倚郭一外縣五

隰川溫泉

蒲

大寧

石樓

永和

郡號大寧

州沿革禹貢冀州之域天文觜參分野春秋時晉蒲地
戰國時屬魏為西河地秦屬河東郡漢為河東郡蒲子

縣晉時劉淵據此後魏改長壽縣後周於此置汾州及龍泉郡隋初廢郡改西汾州尋改隰州及改縣曰隰川大業初復為龍泉郡唐初復為隰川後改大寧郡乾元初復為隰州本朝仍舊

沿革表

縣沿革隰川在州西宣化坊今改置布政分司溫泉在州北二百里本後魏新城縣唐於縣東南三十里置北隰州及溫泉縣蒲春秋時晉蒲城漢為河東郡蒲子縣地周末廢又置蒲子縣隋以蒲子移治縣東北大寧初

改為蒲縣大寧漢為河東郡北屈縣地始改大寧縣隋
初廢唐初置中州及大寧縣貞觀初以縣屬隰州石樓
本晉屈產泉建地漢為西河郡土軍縣地隋初改石樓
縣唐初於縣置西德州貞觀初省州以縣屬東和州後
又廢東和以縣屬隰州永和本漢河東郡孤譟縣地後
魏廢唐貞觀初以縣屬隰州

同上

形勝蒲子山在州東北五十里世傳為堯之師蒲伊子
隱處五鹿山在州東七十里上有五鹿大夫廟白

衣山在州東三十五里有白衣居士藏於此 妙樓山在州北七十里内有石室前有龍池水泉冬夏不竭

黃雲山在石樓縣東六十里 翠金山在石樓縣南三

十里上有臺駘神廟 團圓山在石樓西北三十里上

有漢高祖廟 翠屏山在蒲縣西南山勢圓聳上有經

閣 雙山在永和縣東南兩峯並秀故名 樓山在永

和縣兩山相對其形如樓 捕狐山在大寧縣北三十

五里上有捕狐神祠 仙芝谷在永和縣北五里嘗產

芝草故名 第一河在峽流經蒲縣西至大寧縣界入
河 龍子湫在隰州南十里亦名瀑布泉嘗有龍見故
名 靈液池在永和縣東南仙芝坊 明月泉在州北
八里蒼崖之下崖上白石如月影落泉中故名 屈產
泉在石樓縣東南晉時有馬飲此泉而生龍駒崖上有

晉公子廟

輿地紀勝

人物周藥枝事文公為大夫將下軍趙衰讓之為卿
靈輒永和人趙宣子田於首山舍於翳桑見輒饑食之

輒舍其半問其故請以遺母因厚待之後公伏甲攻宣
子輒倒戟以禦公徒而免之 晉韋忠隰州人少慷慨
有志武帝朝為鎮西大將軍討叛者矢盡不屈而死
李矩初領河東太守時饑矩悉心撫恤百姓賴焉後封
平陽侯 唐敬暉隰州人累官侍中留守長安以治幹
聞誅二張迎復中宗以功封平陽侯 呂諲第進士肅
宗拜御史中丞所陳事皆納出為江陵尹治有威惠民
歌詠之 五代劉訓永和人仕唐至彰武軍節度丹陽

等州觀察使後封開國侯 本朝趙友隰州人七世同

居真宗時特加旌表仍蠲其課調 侯仲良大寧人學

宗孔孟時人欲館仲良者仲良見其家壁垂佛像几積

佛書即去之朱子稱其學清白勁正 趙鼎蒲人崇寧

中進士隨高宗南渡累官殿中侍御史

同上

集黃雲隨寶鼎紫氣逐真人東詠唐虞迹西觀周漢塵

張道濟

胡人南牧馬漢將日徵兵霧重寶刀濕沙虛金鼓

鳴李

本朝熙寧五年以溫泉大寧石樓隸隰州即縣治吉鄉

軍使元祐元年復吉鄉軍為隰州

沿革表

平沙細草散羊

牛一簇征人在戍樓

陳剛中

功高寧在我陣沒與招魂塞

色干戈米軍容喜氣屯

僧德隱

威勝軍

倚郭一外縣三

銅鞮武鄉

沁源

綿上

郡號銅鞮

義寧

陽城

軍縣沿革天文參分野禹貢冀州之域春秋晉銅鞮地

戰國屬韓後屬趙秦漢皆上黨郡地魏晉因之後魏置

義寧郡隋初郡廢置沁州治沁源縣大業初罷州為沁源縣屬上黨郡義寧初復置義寧郡唐初復為沁州屬河東路天寶初改陽城郡乾元初復為沁州本朝於銅鞮縣界置威勝軍武鄉本漢涅縣地屬上黨郡晉始置武鄉縣後魏去武字改鄉縣隋初屬潞州唐仍名武鄉縣本朝隸威勝軍沁源本漢谷遠縣地後魏置沁源縣大業初廢州後屬上黨郡唐初復置沁州屬陽城郡本朝改沁源縣綿上在州城北七十里本後魏陽城縣隋

改曰甲水縣後廢

沿革表

形勝龜山在州城西北五里以形似故名 堯山在州

城西三十里 銅鞮山在州城南四十里西有石梯山

琴泉山在沁源縣東下有靈泉 綿山在沁源縣北

相傳介之推自焚之所有廟在焉 鞮山在武鄉縣西

相傳石勒微時於此聞鞮鐸之聲故名 沁河在沁源

縣城東 青龍河在沁源縣東 涅水在武鄉縣西

寒泉在沁源縣北五十里

輿地紀勝

人物晉石勒武鄉人生有豪志後因晉亂起兵割據都

襄國自稱趙王 李喜銅鞮人少有高行累辭徵辟初

仕晉拜御史中丞當官正色百僚震肅後仕魏為太子

太傅遷尚書僕射 五代郭延魯綿上人父饒仕晉為

沁州刺史延魯累遷鄜州刺史廉平自勵民甚賴之秩

滿州人遮道攀號當時父子以善政聞

同上

集君不見銅鞮觀數里城池已蕪蔓君不見虎祈宮幾

重臺榭亦微濛

杜顗

赤日欲落峴山西倒着接離花下迷

襄陽小兒齊拍手攔街爭唱白銅鞮

李白

襄陽行樂處歌

舞白銅鞮江城回渌水花月使人迷

同上

本朝太平興國三年於潞州銅鞮縣亂柳石園中建為
軍太平興國初銅鞮與武鄉自潞州來隸熙寧七年廢
遼州以榆社縣為鎮入武鄉太平興國六年廢沁州為
沁源縣寶元二年綿上自大通監來隸威勝慶厯六年
徙置軍西北大覺寺地

沿革表

岢嵐軍

倚郭一

嵐谷

郡號居順

軍縣沿革天文參井分野禹貢冀州之域本春秋晉地
後為樓煩胡所據趙滅樓煩以為邑秦置縣屬太原郡
漢為汾陽縣曹魏屬新興郡後魏於此置嵐州因山為
名隋為岢嵐鎮屬樓煩郡唐置岢嵐軍及嵐谷縣本朝
因之

沿革表

形勝長城山在軍東三里 乏馬嶺在郡東 巨麓山
在嵐谷縣西南上多松又名萬松嶺 雪山在郡北東

西二山對峙 霸王山在軍北七十里 奇嵐山在軍

北一百里高二千丈 十里巖在軍東十里形如飛簷

黃峴山在嵐谷縣西 銅鼓山在縣南四十里舊有

銅鼓 雙松山在軍北上有雙松 大萬山在軍西南

六十里 嵐漪河源出縣東西流入黃河 蔚汾河在

嵐谷縣南 大賢河在縣南四十里

輿地紀勝

人物皇朝王中立郡人博學強記家富於財待賓客豐
腆而自奉甚儉妻死不再娶亦不就舉居一室如衲僧

數年乃出人覺其談吐詩翰異常問之不言晚年易名

雲鶴自號擬栩

同上

集繞郭煙嵐新雨後滿山樓閣上燈初

元微之

將軍分虎

竹戰士卧龍沙邊月隨弓影胡霜拂劍花

李白

本朝太平興國五年以嵐州嵐谷縣隸為軍熙寧三年

廢嵐州元豐六年復置

沿革表

煙嵐一簇峙崔巍到此令

人心自灰上有神仙不知姓洞門閑倚白雲開

邵堯夫

煙

嵐自古人難畫遠即深深近却無

邢仲明

日斜汾沁催驛

馬雪暗竒嵐傳酒盃塞上金湯惟粟粒甯中水鏡是人

才

黃山谷

勸課農桑真有道折衝樽俎不臨邊

同上

憲州

倚郭一

靜樂

郡號汾源

州沿革天文參井分野禹貢冀州之域本漢汾陰縣地屬太原郡東漢末廢入九原縣隋為竒嵐縣尋改汾源縣大業間改為靜樂縣屬樓煩郡唐於縣置管州後廢以縣屬嵐州本朝咸平中置靜樂軍尋廢軍徙憲州治

縣沿革靜樂本漢汾陽縣地隋大業中改靜樂縣

沿革表

形勝天柱山在靜樂縣南後魏天柱將軍爾朱榮過此

故名馬頭山在靜樂縣南上有魏文帝廟黑風山

在靜樂縣西北山側有一竅秋冬出黑風上有神祠

石峽山在靜樂北晉人假道於虞在此周公山在縣

西相傳宇文周巡狩至此故名

輿地紀勝

人物任玄妻劉氏靜樂人年十八而寡勵志守節姑欲奪其志劉自刎幾死後數年夫弟陰受富室聘劉度不

能全竟自縊

同上

集夜吟關月靜秋望塞雲高

許用晦送李別駕

促駕逾三水長

驅望五原天街分斗極地理接樓煩

駱賓王

戍古秋塵冷

沙寒宿霧繁

同上

本朝咸平五年移治靜樂軍縣遂廢軍又廢熙寧三年

廢憲州為靜樂縣隸嵐州十年復憲州仍領靜樂縣政

和五年賜郡名

沿革表

慈州

倚郭一

吉鄉

郡號文成

州沿革天文觜參分野禹貢冀州之域春秋時晉屈邑
即公子夷吾所居漢為北屈縣屬河東郡魏屬平陽郡
後魏置定陽郡及定陽縣東魏置南汾州後周改汾州
後齊改西汾州隋改耿州及改定陽為吉昌鄉大業初
置文成郡唐置南汾州治吉昌後改慈州復改文成郡
又為慈州本朝熙寧中州罷以縣屬隰州尋置吉鄉軍

復慈州

沿革表

形勝掛甲山在州南昔尉遲恭過此掛甲 包山在州

東 風山在州境有穴如車輪風氣蕭瑟 壺口山在

州西禹貢既載壺口即此 孟門山在州西 明珠山

在州東北 清水河在州北流入黃河 耿城在州南

殷祖乙遷耿即此姚襄城在州西乃周齊交爭之地

紀勝

人物唐崔元亮州人擢進士第初為駕部員外郎清慎

自持每遷官必退讓朝廷推為夙望後官至虢州刺史

集絕塞陰無草平沙去盡天下營者斗建傳號信狼煙

劉司南 五道分兵去孤軍百戰場王少伯

本朝熙寧五年廢州以吉鄉隸隰州即縣治置吉鄉軍使仍省文成為鎮隸焉又以鄉寧隸晉州襄陵縣元祐元年改吉鄉軍為慈州沿革表

平定軍 倚郭一 平定

外縣一

樂平

郡號西陽

軍沿革天文參井分野禹貢冀州之域春秋時晉地秦屬太原上黨二郡漢為上艾縣地東漢屬恒山國晉屬

樂平郡後魏為西陽郡改上艾曰石艾縣隋屬遼州後屬太原郡唐屬遼州後屬井州又改為廣陽縣本朝改為平定軍

沿革表

縣沿革平定本春秋晉地本朝為平定縣樂平本漢沾縣地晉置樂平郡本朝為樂平縣

同上

形勝鵲山在州西北上有扁鵲廟冠山在州西南其形似冠嘉山在州西以草木暢茂故名白鷄山在州東北上有晉王廟蒲臺山在平定縣西上產蒲

浮化山在平定東上有女媧廟 石馬山在樂平縣西

松子山在樂平縣南 孔子巖在樂平縣東上有孔

子顏曾遺像 郝家泊在州北上有昭濟聖母祠 靈

應池在州西上有神應王廟 澤發水源出平定縣平

地穴起下赴絕澗懸流千尺 石甕潭在樂平縣東上

覆巨石深不可測 承天鎮在州北 流盃池在州南

郡人修禊之所

輿地紀勝

人物皇朝常延信樂平人歷襄鄧等州都巡檢著偉績

任山樂平人有大志不仕作通紀並井田圖嘗應召

言事富弼厚遇之

同上

集再宿殊鷄舍相看獨鵲山旆沾新雨過鳥逐暮雲還

周昂彎弓辭漢月揅羽破天驕陣解星芒盡營空海霧消

李

白

本朝太平興國二年以鎮州廣陽砦建為軍四年以并


州平定二縣來屬太平興國四年改平定縣

沿革表

冠山

移得近城頭

王問



記纂淵海卷二十三

欽定四庫全書

子部

記纂淵海卷二十四

詳校官中書臣涂日煥

侍讀臣孫球覆勘

總校官降調編修臣倉聖脉

校對官學正臣常 循

謄錄監生臣甯汝櫺

欽定四庫全書

記纂淵海卷二十四

宋 潘自牧 撰

郡縣部

雲中府路

雲中府

倚郭一
外縣四

大同
懷仁

宣寧

白登

平

郡號雲中 大同軍節度

郡沿革天文昴畢分野禹貢冀州之域虞周屬并州春秋

秋時北狄所居戰國屬趙秦為雲中鴈門代郡地東漢末郡廢三國魏屬新興郡晉改屬鴈門後魏徙都平城置司州牧及置代尹又置北恒州後周並廢隋以其地屬代朔雲三州唐初復置北恒州治雲中縣尋廢開元中置雲州天寶初改雲中郡乾元初復為雲州五代唐以雲州置大同軍節度本朝為雲中府

地理沿革表

縣沿革大同周大同川地戰國趙置雲中縣漢為鴈門郡平城地遼置大同縣懷仁本秦雲中縣地遼始析雲

中為懷仁宣寧本宣德縣地後改宣寧白登本長清縣地後改白登平池本秦漢平城縣後改平池

同上

形勝白登山在府城東上有白登臺即匈奴圍漢高處

大寶山在府城北下有古城即漢武原郡官山在

大同縣西北上有九十九泉流入黑河金龍山在懷

仁縣西南雙化嶺在府城西盤據百餘里有古寺

遺跡海子在懷仁縣東其西北有泉深不可測桑

乾河在府城南源出洪濤山下流入盧溝河君子津

在古東勝州界漢時有大賈賈金行至此死津長為埋
之後其子至悉金付之因名 李陵臺在府城西北

王昭君墓在郡境

輿地紀勝

人物隋杜彥雲中人性勇果善騎射初封公後平陳進
位柱國五代折從阮雲中人世為大族仕後唐為刺史
歷周漢節度四鎮卒贈中書令皇朝李漢雲中人初為
齊州防禦使有善政後遷觀察使 畢士安雲中人登
進士累官參知政事

同上

集漢下白登道胡窺青海灣

李太白

閩外傳三畧雲中冀

一平

張嘉貞

聞道雲中使乘驄往復還河兵守陽日塞虜

失陰山

曾延清

夜月降羌淚秋風老將心

楊景山

朝趺青陂

道暮上白登臺

梁元帝

家在孤雲落照間州人已上鴈門

關憑君為報平安信方是雲中第一山

王子端

百萬精兵

傾紫塞幾多枯骨委黃沙

郭紀

塞垣通碣石虜陣抵祁連

盧果之

本朝宣和二年始得雲中府

沿革表

雄臨絕塞風霜古寒

逼新春草木踈

王琮

古來險阻邊陲地威震邊陲萬里驚

元好問

環珮覓歸千里月琵琶聲起黑山秋

元節

旌旗影動

胡塵沒茄鼓聲寒塞月明

陳顯

壘原青照白登山彌隴連

天麥浪寒

宇文叔通

青冢埋魂知不返翠崖遺跡為誰留

歐陽修

應州

倚郭一外縣

金城山陰

郡號神武

州沿革天文昴畢分野禹貢冀州之域古唐國地戰國

屬趙為代郡地秦為陰館縣屬鴈門郡漢因之東漢末
廢後魏屬神武郡北齊改屬太平郡後周郡廢置陰城
隋廢唐置金城以縣置應州以龍首鴈門二山南北相

應故名

沿革表

縣沿革金城本古唐國地唐置金城縣山陰秦為鴈門
郡陰館縣地後改山陰縣

同上

形勝龍首山在縣北山之南跨雲中 鴈門山在州南
與龍首山相應 翠微山在金城縣境 香峯山在金

城縣南 復宿山在山陰縣南 黃花山在山陰縣北

金鳳井在州治相傳李克用生時有金鳳自井中飛

出 三岡四鎮俱在州境

輿地紀勝

人物五代安重誨州人唐昭宗時官至中書令盡忠補

過人皆稱焉 周密州人仕晉歷三鎮節度後仕周累

官太子太師 皇朝李重誨金城人初補鄧州指揮後

以功陞招安制置使

同上

集古戍依重險高樓見五涼山根盤驛道河水浸城牆

岑參題
金城樓

汗馬牧秋月疲卒卧霜風仍聞左賢王更欲圍

雲中

劉灣

月落雲沙黑風迴草木腥

竇胃卿

峇堯試一臨虜

騎附城陰不辨風塵色安知天地心門開邊月近戰苦

陣雲深旦夕更樓上遙聞橫笛音

張巡

但使龍城飛將在

不教胡馬度陰山

王少伯

本朝宣和五年契丹將蘇京以州來降

沿革表

清晨鐵騎

臨長河短簫齊和班師歌過橋咫尺入金城滿市居擁

笑聲多

張楷

朔州

倚郭一
外縣一

鄯陽
馬邑

郡號馬邑

州沿革天文昴畢分野禹貢冀州之域戰國地屬燕秦
為代鴈門二郡地漢為馬邑縣地屬鴈門郡東漢末廢
後魏置平齊郡隋為神武縣地屬馬邑郡唐廢後置河
陰縣地屬應州

沿革
表

縣沿革鄯陽本秦馬邑縣地北齊置招遠縣隋改為鄯
陽縣馬邑本秦縣屬鴈門郡北齊屬廣安郡隋初郡廢

以縣省入鄆陽唐置馬邑縣上

形勝翠峰山在州西南上有石佛洞 燕京山在州西

南上有天池 東靈山在州西上有臺亭 神武尖山

在鄆陽境 元姬山在馬邑境 居延川在朔州北一

名居延澤漢蘇武常困於此澤 天德山在州北漢李

陵行軍至此 洪濤山在馬邑縣西下有桑乾河神廟

紫金山在馬邑縣南高二十里連亘數百里 太和

嶺在馬邑縣東上有寨 魯臺在馬邑縣西北唐李靖

築此觀星 鴈門關在馬邑縣東南七十里

輿地紀勝

人物南北朝斛律金縣人善騎射仕至汾州刺史以功封咸陽郡王 唐尉遲恭鄆陽人有戰功累封鄂國公

五代周德威馬邑人唐莊宗時累官平章政事 安

重榮州人善騎射晉高祖時受武節拜成德軍節度

皇朝党進馬邑人從征太原以功歷忠武軍節度

同上

集北遊幽朔城涼野多險艱俯入窮谷底仰陟高山盤

陸士衡

高秋登寒山南望馬邑州翠峰入青冥攬勝此勾

留蘇武魂銷漢使前古祠高樹兩茫然雲邊鴈斷胡

李端

天月隴上羊歸塞草煙

溫飛卿

鼓角因風飄朔氣旌旗映

水發秋光

楊巨源

白頭蘇屬國握節幾時還

王慤建

士卒並

持蘇武節酋魁莫作李陵看

顧孔文

本朝宣和五年契丹守將韓正以州來降

沿革表

朔風刮

面歲華適閑擁豐貂一倚樓四野凍雲隨地合九河清

浪著天流

元章簡

嘗聞朔北寒尤甚已見黃河可過車駟

騎駸駸持漢節邊風慘慘聽胡笳

梅聖俞

蔚州

郡號代國

州沿革天文昴畢分野禹貢冀州之域春秋時屬晉戰國屬趙秦置代縣屬代郡漢封代王於此為代國東漢末廢後魏於此置靈丘郡後周兼治蔚州隋郡廢州存大業初州廢唐復置蔚州治靈丘至德初改安邊郡後

復為蔚州

沿革表

形勝九宮山在州東

五臺山在州東

玉屏山在州

西 倒刺山在州東 襄山在州北 胡蘆河在州城

北 煖泉在州西其水夏涼冬煖 金箔泉在州境

蓮花泉在州東北 鎮邊樓在州境 隘門關在州西

南 代王城在州東漢文帝封代即此 飛狐口在州

境

輿地紀勝

人物唐侯仲莊為定武將軍有功累加冠軍將軍

同上

集飛狐白日晚瀚海愁雲生

虞子陽

家居五原上征戰是

平生獨負山西勇誰當塞上行

緯御

須識苦寒士莫矜孤

白溫同郭外秋聲急城邊月色殘王少伯胡馬如雲屯越

騎亦星羅飛鋒無絕影鳴鏑自相和陸士衡

本朝宣和五年契丹守將陳翊以州來降沿革表雲度飛

狐絕險天圍紫塞高寒趙獻之曲西北天低五頂高茫茫松

海露闕

渾源州

郡號代郡

州沿革天文畢昴分野禹貢冀州之域戰國時屬趙代

郡秦屬鴈門郡漢為平舒亭二縣地屬鴈門代郡東漢末廢後魏屬神武郡隋屬鴈門郡唐置渾源州以川為

名

沿革表

形勝恒山在州南二十里即北岳也高侵霄漢舜北巡狩即此翠屏山在州栢山之南華麗似翠屏然五峯山在州東五峯如削畫錦山在州西封龍山在州南渾源川在州西南匯為大澤中有孤石高丈餘上有神祠孫臏山在州南因上有孫臏寨故名

輿地紀勝

人物漢范升郡人九歲通孝經長習易教授生徒光武朝

拜議郎遷博士 南北朝燕鳳博綜經史為代王長史

叅決國事 皇朝劉撫州人舉進士仕至石州刺史

蘇保衡州人舉進士累官參知政事 劉仲亨妻田氏

亨卒氏年二旬餘遂自經事間旌表其門

同上

集水嶺人無跡冰合足鴈聲

李端

風旂翻翼影霜劍轉龍

文

駱賓王

絕壁千尋孤峯萬仞寶符臨代邦之美靈蛇表

陣勢之奇

唐太宗祀恒嶽文

鐐石七年無以虧其大含波九載

不能損其高

同上

本朝雙鯉附書常不達兩萍浮海偶相逢燕南落日車

分轍代北春風酒滿鍾

朱好謙過渾源

無定河邊路風高雪洒

春

王正美

山雲吞吐翠微中淡翠深青一萬重

闕

陝西永興軍路

京兆府

倚郭二外縣十一

長安

樊川

藍田

咸陽

涇

陽

櫟陽

高陽

興平

臨潼

醴泉

武功

乾祐

郡號永興 安西

郡沿革天文井鬼分野禹貢雍州之域周為王畿地秦置內史以領關中漢初置渭南郡尋罷郡復置內史景帝分置左右內史此為右內史武帝改京兆尹與左馮翊右扶風為三輔東漢於此置雍州尋罷三國魏改尹為守晉置雍州理京兆未幾為劉石姚苻所據後魏仍置雍州西魏後周皆置京兆尹隋初置雍州尋改為京兆郡唐初復為雍州又改京兆郡尋復雍州開元初改京兆府自周秦漢晉西魏及周隋唐並都於此唐末為

佑國軍五代梁改永平軍後唐復為京兆府晉改曰晉

昌漢改曰永興本朝仍京兆府屬永興軍

沿革表

縣沿革長安秦因古地名曰長安漢都關中始置為縣

樊川本漢萬年縣地本朝置樊川縣鄠本夏時扈國漢

置鄠縣藍田本秦舊縣其地出玉故名咸陽本秦舊縣

其地在山南水北故名涇陽本秦舊縣以居涇水之北

故名櫟陽本秦縣漢高帝初都此高陽秦舊縣亦名懷

德城興平本周太丘地唐置興平軍尋改為縣臨潼周

為驪戎國本朝為臨潼縣醴泉本漢左馮翊谷口縣地
隋置醴泉縣武功后稷所封地秦置武功縣乾祐秦為
內史地亦在長安之乾隅故名同上

形勝龍首山在府城北長六十里 終南山在府城南
產玉石金銀銅鐵上有神祠 太一山在終南山南上
插雲霄 驪山在臨潼縣東南 金斧山在驪山東南

金山在藍田縣南上有風后廟 七盤山在藍田縣
南 峽山在藍田縣南峽關之名取此 甘泉山在涇

陽縣西北 太白山在武功縣南上多積雪望之皓然

子午谷在府城南 細柳原在昆明池南 上林苑

凝碧池在唐禁苑中 通靈臺在甘泉宮 魚藻池在

唐禁苑中 漢陂在鄠縣西 長信宮在咸陽縣境

阿房宮在咸陽縣東 望夷宮在涇陽縣東 未央宮

在府城西北 長樂宮在府城西北 建章宮在府城

西北 甘泉宮在涇陽縣 大明宮在府城東北 華

清宮在驪山 天祿閣在未央宮 沉香亭在興慶宮

造書臺在長安縣西即倉頡造書處 靈臺在鄠縣

東 栢梁臺在未央宮北 藍田關在縣東南 霸橋

在府城東 五帝廟在長安東 漢唐諸陵俱在郡境

梨園在通化門外 五丈原在武功縣西 馬嵬坡

在興平西 鴻門坂溫泉俱在驪山 太液池曲江池

俱在郡境

輿地紀勝

人物上古倉頡黃帝時人始造書契 周壤駟赤秦人孔

門弟子 漢魏尚興平人為雲中太守匈奴不敢犯塞

宋弘長安人以清介著聞封宣平侯 景丹櫟陽人

以功封櫟陽侯圖形雲臺 晉摯虞長安人才學通博

歷官秘書監 唐屈突通長安人以功官至兵部尚書

封國公 劉文靜咸陽人贊太祖起義兵官至吏部尚

書 李大亮涇陽人有文武才畧官至工部尚書 殷

開山鄆縣人從太宗征伐有功仕至吏部尚書圖形凌

煙 蘇世長武功人為諫議大夫使突厥爭禮不屈朝

廷壯之 韓休長安人舉賢良峭直敢言官至太子少

師 韓滉休子剛直明吏事為江淮轉運使封晉國公

杜黃裳樊川人討蜀有功累官同平章事後封邠國

公 杜牧樊川人善屬文第進士累官史館修撰 韓

渥樊川人善詩累官學士承旨 皇朝呂大防藍田人

登進士累官左僕射其兄大忠弟大鈞大臨俱顯於朝

蘇昞武功人為程子門人初仕太常後坐黨籍編管

饒州 李濤樊川人工詩官至戶部侍郎

同上

集指麾八荒定懷柔萬國夷梯山盛入款駕海亦來思

唐太宗

長樂宵鐘盡明光曉奏催

沈佺期

千條弱柳垂青鎖

百轉流鶯遶建章

鶯歸漢苑柳花映杜陵煙

並賈至

金

闕曉鐘開萬戶玉階仙仗擁千官

岑參

秋槐葉落空宮裏

凝碧池頭奏管絃

王維

長安回望日宸御六龍還

徐安貞

遙

瞻太白雪喜近武功天

杜甫

大明均照物小醜未寧邊國

相台衡重元戎廟畧宣

徐知仁

鳥下綠蕪秦苑夕蟬鳴黃

葉漢宮秋

許用晦

風隨玉輦笙歌迴雲捲珠簾劍旆高

同上

本朝大觀元年陞大都督府舊領永興軍路安撫使宣

和二年詔永興軍守臣等銜不用軍額稱京兆府

沿革表

佳氣猶能想鬱葱雲間雙闕峙蒼龍春風十里霸陵樹

曉月一聲長樂鐘

吳彥高

小苑花開紅漠漠曲江波漲碧

溶溶眼前疊嶂青如畫借問南山共幾峯地形西控

三秦遠河勢南吞二華秋

馮叔獻

門外兵塵漲秦楚水邊

煙景似湖湘

龐茂弘

雙峯高聳大河旁自古函關一戰塲

共說河山雄百二不堪屈指算興亡

辛敬之

貪省終南山

色好不知紅日下前峯

王湯臣

河中府

倚郭一
外縣六

河東

猗氏

虞鄉

萬

泉

龍門

榮河

郡號河東

郡沿革天文皆參分野禹貢冀州之域古為虞舜都春秋時屬晉為蒲坂地秦屬河東郡漢為蒲城縣地後魏置河東郡兼置秦州後周改蒲州隋初郡廢州存大業初改河東郡治河東縣唐改蒲州屬河東道開元中改河中府陞中都尋罷都復為蒲州天寶初改河東郡乾

元初復為蒲州尋改河中府五代梁置護國軍節度本

朝仍舊屬陝西路

沿革
來

縣沿革河東古為舜都本春秋晉蒲坂地隋置河東縣
臨晉春秋晉桑泉地秦築壘以臨晉地因名臨晉唐天
寶中置臨晉縣猗氏古郇國地文王子所封漢置猗氏
縣虞鄉春秋為晉之解梁城戰國屬魏漢為解縣屬河
東郡後魏析置安定縣西魏改曰南解縣屬綏化郡隋
改虞鄉縣萬泉本漢河東郡汾陰縣地隋屬河東郡唐

武德中置萬泉縣龍門古耿國殷王祖乙所都春秋時
屬晉秦置皮氏縣漢屬河東郡魏晉皆屬平陽郡後魏
改龍門縣榮河古綸地為夏后少康邑戰國時為魏汾
陰地漢置汾陰縣屬河東郡晉時劉淵省入蒲坂縣後
魏復置汾陰縣隋屬河東郡唐初屬秦州尋改屬蒲州
開元中改寶鼎縣本朝真宗祀汾陰改曰榮河縣同上
形勝中條山在州東南上有桃花玄女二洞及谷口蒼
龍等泉首陽山在州東南即禹貢雷首山伯夷叔齊

隱此上有夷齊墓並廟 歷山在州南即舜耕處 五

老山在臨晉縣西南 龍門山在縣西即禹鑿通黃河

處 噴雪巖在解州南有泉噴出潔白如雪 黃河在

州西門外入河南境 汾河在河津縣境 媯汭水在

州北堯釐降二女于媯汭即此地 舜井在州東南

大度關在州西門外 風陵關在州南 禹門渡在龍

門縣西 成湯陵在滎河縣北 蒲坂在州東 虞坂

在終條山 呂洞賓宅在州東南尚有純陽宮

輿地紀勝

人物漢司馬遷龍門人十歲誦古文後為太史令作史
記胡建河東人為渭城令甚有治聲 南北朝樂遜
猗氏人明五經仕周官至揚州刺史 隋王通龍門人
篤學常奏太平十二策後居河汾著書甚多 唐裴寂
州人太祖朝累遷尚書左僕射拜司空贈河東郡公
張玄素虞鄉人太宗時為侍御史嘗諫上治洛陽宮魏
徵嘆其有回天之力 王勃通之孫六歲善文後對策
高第兄弟四人皆登進士 五代裴迪河東人精於簿

書仕梁太祖稱其協贊之功 皇朝董孝章州人十世

同居真宗嘉獎之 薛顏萬泉人舉三禮中第累遷給

事中 薛向顏之孫幹局絕人歷知數州皆有能聲上

集獨見魚龍氣長令煙雨寒 十龕道傍古一鳥沙上

白 二夜泉發清響寒渚生微波 三東流自朝暮千載空

雲山 四閒雲揚錫仗落日低金繩 五水田秋鴈下山寺

夜鐘深 六不如波上棹還弄山中月 七風來未渡水日

暮更看山 以上張文房 蒲坂橫臨晉華芝曉望秦關城

龍門八詠

雄地險橋路託天津

張說

白日依山盡黃河入海流欲窮

千里目更上一層樓

朱佐日

迴臨飛鳥上高出世塵間天

勢圍平野河流入斷山

暢當蒲州詩

地險關逾壯天平鎮尚

雄春來津樹合月落戍樓空

唐太宗

寂寞首陽山白雲空

復多蒼苔歸地骨皓首米薇歌

李頎

山路猶南屬河源自

北流晚風連朔氣新月照邊秋

駱賓王

竈火通軍壁烽煙

上戍樓龍庭但苦戰燕頤會封侯

同上

本朝大中祥符中以榮河為慶成軍熙寧三年省西河

縣六年省永樂縣為鎮入河東榮河舊隸慶成軍熙寧

元年廢以榮河隸府即縣治置軍使

沿革表

疏鑿年來道

路通行人萬古翠微中南山山寺題詩滿一字何曾到

禹功

王敏夫

蒲坂東來通猗頓桑泉南下接虞鄉

同勸課

農桑誠有道折衝樽俎不臨邊

黃山谷

老來深喜到鄉州

三紀光陰若夢遊今日恬愉君賜重白雲庵洞許過留

薛求歸

蒲州詩

解州

倚郭一外縣二

解縣聞喜

安邑

郡號解梁

郡沿革天文蒲參分野禹貢冀州之域春秋為晉之解
梁城戰國屬魏漢為解縣屬河東郡後魏析置安定縣
西魏改曰南解縣屬綏化郡隋改為虞鄉縣屬蒲州唐
初改曰解縣貞觀初省入虞鄉後復置屬河中府五代
漢始置解州治解縣本朝屬河東路復改陝西路
縣沿革解縣本春秋晉之解梁城戰國屬魏漢為解縣
屬河東郡後魏析置安定縣西魏改南解縣屬綏化郡

沿革表

隋改為虞鄉唐初改解縣聞喜春秋晉曲沃縣地秦改為左邑屬河東郡漢武帝經邑之桐鄉聞破南粵因名聞喜縣安邑禹營安邑即此地春秋時為晉境後屬魏秦漢為安邑縣

同上

形勝擅道山在州南與中條山相接 玉鉤山在安邑縣東北狀如玉鉤 陽山在聞喜縣東南山產銅上有殷湯廟 白徑嶺在州東南路通陝州 姚暹泉在解縣北 黑龍潭在安邑縣南深不可測上有龍池宮

鹽池在州境 虞坂在中條山伯樂逢驥困鹽車即

此 石門在州東南白徑嶺

輿地紀勝

人物漢裴潛聞喜人仕為代郡守匈奴警服後為尚書

令 三國關侯解人仕蜀先主稱萬人敵拜前將軍假

節鉞威震華夷常刺顏良報効曹公有國士風後封壽

亭侯 晉裴顧博學稽古初為國子祭酒累遷尚書侍

中 衛瓘蚤以孝稱仕魏為散騎常侍後進位太保一

門人物甚盛 南北朝柳崇州人後魏時舉秀才高第

歷尚書郎中累遷河中守 隋裴矩博涉經史仕為吏部侍郎 唐薛收道衡子初為秦王府主簿後以功封汾陰縣男 裴行儉聞喜人舉明經有知人之鑑後拜相 柳宗元解人文章卓偉第進士博學宏詞科拜監察御史有文集行於世 裴度聞喜人舉進士累官中書侍郎討平淮蔡封晉國公 皇朝趙鼎聞喜人舉進士累官殿中侍御史遷御史中丞與秦檜論和議不合謫嶺南不食而卒贈太傅豐國公

同上

集悠悠虞坂路歌斜遲日和風簇野花未省孫陽身沒

後幾多騏驎困鹽車

胡曾

鐘鼓嚴更曙山河野望通鳴鸞

下蒲坂飛旆入秦中

唐玄宗

條山蒼河水黃浪波紛紛去

松栢在山岡

韓愈

威加塞北寒來早恩入河源凍合遲

牧之

本朝東北嶺高明月曉西南川遠夕陽多地饒勝槩連

靈岳民足豐年藉綠波

王荀龍

中條山下王官谷草木煙

霞景物幽坐中興氣長飄洒天際浮雲任去留

同上

陝州

倚郭一外縣六

陝

平陸

夏

靈寶

芮城

湖城 閩鄉

大都督府

郡號弘農

郡沿革天文柳分野禹貢豫州之域周為虢國地王季子虢仲封於此周召分治東西以陝為界即此春秋時屬晉後屬韓韓滅入秦漢置陝縣為弘農郡治魏晉因之後魏始置陝州隋大業初州廢以縣屬河南郡後復置弘農郡唐初復為陝州天寶初改陝府乾元初改陝

郡昭宗時陞為唐興府哀宗初置保義軍本朝改保平

軍後為陝州

沿革表

縣沿革陝本周號國地春秋時屬晉後屬韓漢置陝縣
平陸春秋虞國地戰國屬魏漢屬河東郡後魏置河北
郡唐天寶初因開漕瀆得古劒有篆文曰平陸故名夏
本禹所都之地漢為安邑縣境後魏改為夏縣以禹舊
都故名靈寶本秦函谷關地漢置弘農縣魏晉因之隋
屬號郡唐天寶初得寶符於古函谷關故名芮城本魏

國附庸春秋時芮伯居此後周改為城縣湖城本漢湖縣地屬京兆因津以名閬鄉本漢閬鄉地後周置閬鄉郡隋廢郡為閬鄉縣

同上

形勝砥柱山在州東黃河中上有三門禹鑿以通河流者峴山在靈寶縣東荆山在閬鄉縣南昔軒轅黃

帝鑄鼎於此砥柱峯在平陸東南世傳老子煉丹於

此傅巖在平陸縣東即傅說隱處龍泉在芮城縣

北旁有五龍祠墨池在州境漢張芝好書所居池水

盡黑遺跡尚存 阿對井在閩鄉縣西南漢楊震家童

引泉灌蔬故名 九龍泉在閩鄉縣南泉有九窟 上

陽宮在閩鄉境 翠微宮在靈寶縣北 繡嶺宮在州

西南 西樓在州境 三鱣堂在州境楊震教書處

草堂在州境魏野所居真宗常畫圖以觀 望氣臺在

州境春秋時闕令尹見有紫氣後老子乘青牛過此

鷄鳴臺在靈寶縣治孟嘗君過闕之處 望仙臺在州

西漢文帝築此以望河上公 大陽關在州西 硤石

關在州東 潼關在閬鄉縣西 女媧陵在閬鄉縣境

人物商傳說平陸人高宗賢相 周段干木芮城人魏

文侯之師文侯過其閭必式 晉王濬湖城人家世二

千石以平吳有功累加大將軍 唐姚崇州人少尚氣

節初授蒲州叅軍後拜相封梁國公 張齊賢州人初

為太常奉禮郎論禮制合古義累遷諫議大夫 五代

高季興州人梁初拜荆南節度使後以功封渤海王

皇朝魏野陝縣人隱居清介號草堂居士累徵不就

司馬光州人舉進士累官端明殿學士著述甚多贈太

師封溫國公 王繼勳州人初授道州刺史有武功陞

行營都監

並輿地紀勝

集六載抽毫侍禁闈

吳融

頂壓三門險根隨九曲深撐天

形突兀逐浪勢浮沉

柳公權題砥柱山

五陵年少如相問阿對

泉頭一布衣

同上

春草萋萋春水綠野棠開盡飄香玉繡

嶺宮前鶴髮翁猶唱開元太平曲

李洞

秋來無覓處直上

郡西樓

岑參題西樓

侯門草滿置寒兔浴浦沙深見塞鴻疑

有女娥西望處上陽煙樹正秋風

杜牧之

本朝太平興國初改寶平軍舊兼提舉商虢州兵馬巡
檢事咸寧四年省湖城縣入靈寶元豐元年復置太平

興國三年自虢州與湖城二縣來隸閬鄉

沿革表

晝睡方

濃向竹齋柴門日午尚慵開驚回一覺遊仙夢村巷傳

呼宰相來

魏野自題
草堂詩

古人惟恃衆心城何事秦皇苦好

兵本設函關禁奸詐不知半夜有鷄鳴

范鎮

西祀東封今

已畢這回好伴赤松遊

魏野上
王旦

好去上天辭富貴却來

平地作神仙

魏野上
冠準

幽居帝畫看

同

蒼山綠水依然是

不獨青編事業存

范鎮

商州

倚郭一
外縣二

上洛

洛南

豐陽

郡號上洛

郡沿革天文井鬼分野禹貢雍州之域本契始封地周
為豫州之境春秋屬晉後屬秦漢於此置上洛縣屬弘農
郡晉置上洛郡後魏置洛州後周改為商州取古商於
地為名隋復為上洛郡唐初復為商州天寶初為上洛

郡乾元初復商州屬關內道本朝屬永興軍路

沿革表

縣沿革上洛本契始封地周為豫州之境春秋屬晉後屬秦漢置上洛縣屬弘農郡洛南春秋時晉上洛地漢為上洛縣地晉析置拒陽縣尋省後魏復置隋初屬商州尋改曰洛南縣以在洛水之南故名豐陽本古商州地以在豐水之南故名

同上

形勝高東山在州西南以其高於東山故名熊耳山在州西以形似名商洛山在州東即四皓隱處竹

山在上洛東南丹水所出 玄扈山在洛南縣西北世傳黃帝時有鳳銜圖至此帝拜受之 武關在州東

李彥仙祠在州境上有忠烈祠 四皓墓在州西前有

祠 冢嶺山在州南洛水所出

輿地紀勝

人物秦東園公綺里李夏黃公角里先生避秦不仕隱居商山號為商山四皓後漢高祖欲廢太子呂后命張良請四人至隨太子見高祖高祖謂戚夫人曰我欲廢之彼四人者羽翼已成不可易也太子遂安

同上

集鷄聲茅店月人跡板橋霜

溫庭筠商山早行

商嶺東西路欲

分兩間茅屋一溪雲

韋塘贈商山僧人

和如春晚靜如秋五月

商山是勝遊當晝火雲生不得一溪分作萬重流

無名氏

明朝從此辭君去獨出商關路漸長

張文

近逢商路客

知爾坐南塘

張承吉

四皓卧雲處千秋疊薛生

王貞白題商山

畫

煙籠澗黑殘雪逼林明

同

秦法未興鴻已去漢諸將廢

鳳還來

自是無人有歸意白雲長在水潺潺本為

留侯慕赤松漢庭方識紫芝翁蕭何只解追韓信豈得

虛當第一功

許渾

本朝屬永寧軍路高宗時秦檜力主和議割商與金

沿草

表

二車何處搔蓬鬢九日樽前見菊花
南秦地暖花

開早比至春初已數番

並王元之題商州

遠別秦城萬里遊亂

山高下入商州關門不鎖寒溪水一夜潺潺送客愁

宮址蔓生草洞門低枕泉廢興人目擊何處是神仙

並李

涉舉步高登天漸近回頭下閬膽先寒

南山居士

虢州

倚郭一外縣

盧氏號略

郡號雄號

郡沿革夫文柳分野禹貢豫州之域周封虢仲於此漢為弘農郡治魏置洛安郡西魏為義川郡隋初改為虢州唐徙州治弘農五代及本朝俱為虢州

沿革表

縣沿革盧氏本莘國舊地漢因盧敖得仙始置盧氏屬弘農郡晉屬上洛郡後魏置洛安郡西魏改義川郡隋初改虢州皆治盧氏唐徙州治弘農五代及本朝俱屬虢州

虢畧本弘農地本朝置虢畧

同上

形勝觀音山在盧氏縣西有觀音祠 小青山在盧氏

縣西產青碌 抱犢山在州東南山極高峻昔人多避

兵於此 老君山在州東南相傳老子修道於此上有

丹竈丹井 東澗水在州北 斷密澗在盧氏縣東北

盛彥師斬李密處 傳道堂在盧氏縣治西北有孔子

曾子塑像 號仲廟在盧氏縣東北

輿地紀勝

人物唐張士貴盧氏人善左右射從高祖征賊有功進

爵號國公 梁文貞號州人少從軍守邊逮還親已亡

自傷不得養即穿墻為門晨夕汎掃廬墓暗默三十年
家人有問書文以對有甘露降瑩木白兔馴擾縣令刻
石記之 楊虞卿號州人第進士博學宏詞累官御史

穆宗時上疏極諫累遷弘文館學士

同上

集邠王玉笛三更咽號國金車十里香

薛陶臣

征塵暗河

洛二陝震鼓輶行軍在函谷兩度聞鶯啼聞君欲朝天

州 駟馬臨道嘶

蕭茂挺號州送別

因懷陳溪老最憶南峯

緇薛岑過號

州 柳鞦鶯嬌花復殷紅亭綠酒送君還到來函谷愁中

月歸去磻溪夢裏山

同上

本朝熙寧二年以西京伊陽縣樂川治隸盧氏建隆初

改弘農為常農至道三年改號略熙寧四年省五城縣

為鎮入號略

沿革表

枝脉遠連荆楚外峰巒真出斗牛間

丹崖彩鳳頻棲止紫氣青輶任往還

朱師美題
老君山

闕樹晚

蒼蒼長安近夕陽回風醒別酒細雨濕行裝習戰邊塵

黑防秋塞草黃

李虛已號
州送別

同州

倚郭一
外縣五

馮翊
澄城

朝邑

郃陽

白水

韓城

郡號馮翊

郡沿革天文井鬼分野禹貢雍州之域周為大荔國秦為內史地漢初置河上郡三國魏為馮翊郡西魏改為同州取禹貢澧水攸同之義隋罷州復置馮翊郡唐初復為同州治馮翊縣天寶初復為馮翊郡五代梁改忠武軍後唐復舊本朝改定國軍屬永興路

沿革表

縣沿革馮翊本秦內史地漢置河上郡後為左內史本

朝改為馮翊縣屬同州朝邑春秋時為蒲關戰國魏築城於此漢為臨晉縣地晉為馮翊郡治後魏分置南五泉縣西魏改朝邑縣以據朝坂故名唐改河西縣屬河中府大厯初復曰朝邑屬同州本朝因之郃陽古革國地漢始置郃陽縣屬左馮翊以在郃水之陽故名五代梁屬河中府本朝屬同州澄城春秋時晉北徵地漢始置徵縣後誤徵為澄後魏置澄城郡隋初罷郡以縣屬同州唐初析置長寧縣五代梁屬河中府後唐復屬同

州本朝仍舊白水春秋時名彭衙秦置白水縣以南臨白水故名漢為粟邑縣後魏改為白水縣復置白水郡隋初罷郡以縣屬同州韓城古韓梁二國地晉為少梁邑秦更名夏陽縣漢為夏陽縣地屬馮翊郡隋始析置韓城縣以古韓城為名唐初置西韓州貞觀間州罷以縣屬同州本朝因之

同上

形勝龍門山在韓城縣東禹貢導河至龍門乳羅山在邵陽縣南俗傳嘗有人過此山拾一卵置箱中後化

為蛇復還此山名其蛇曰乳羅故山因以名 風谷山
在澄城縣西北山有風洞麓有風伯祠 小秦山在白
水縣西北相傳自古形勢阻隔後秦王過此山而兵不
得行秦王下拜其山自崩 郃水在郃陽縣西北詩曰
在郃之陽即此 遇仙橋在州西俗傳寇準少時遇仙
人於此 蒲津關在朝邑縣東黃河岸關下有鉄牛渡
人物南北朝古翰馮翊人參宋武帝中軍事清謹勤正
為武帝所知累遷徐州刺史 寇雋馮翊人有識量好

學仕魏累官司馬出為梁州刺史有善政種種可稽後
又為洛州刺史 隋楊伯醜馮翊人好讀易隱於華山
文帝召與語無所答賜衣服捨之而去 唐嚴謨朝邑
人武后時為詳審使平活八百餘人後拜右散騎常侍
皇朝雷德驥邵陽人中進士為磁州刺史後歷官工
部侍郎 楊克讓馮翊人初為西川轉運副使蜀人懷
其善政後知廣州 張昇韓城人舉進士忠謹清直仁
宗時累官至樞密使

並輿地
紀勝

集千載遺踪寄薜蘿沛公鄉里漢山河長陵亦是閑丘

隴異日誰知與仲多

房彥謙題郤陽劉仲城

君不見左輔白沙白

如水縹以周墻百餘里苑中駉牝三千匹豐草青青寒

不萎

杜甫題同州沙苑

承華東署三分務履道西馳七過春

白樂

天為同州刺史

龍門泉石香山月早晚同遊報一期

白樂天

山入

白樓沙苑暮潮生滄海野塘春

元微之寄同州白樂天

本朝熙寧四年省夏陽縣為鎮入郃陽元祐二年置鑄

錢監於韓城

沿革表

䟽鑿年來道路通行人萬古翠微中

南山山寺題詩滿一字何曾到禹功

王敏夫

層崖摩蒼穹

四月號陰風大河三門險神禹萬世功

雷希顔

華州

倚郭一外縣四

鄭下邳

蒲城

華陰

渭南

郡號華陰

郡沿革天文井鬼分野禹貢雍州之域秦為內史地漢

魏晉並為京兆弘農二郡地後魏置華山郡又改東雍

州西魏改為華州隋省後置華山郡唐復為華州垂拱

初改太州天寶初改華陽郡後復為華州乾寧中升興

德府又為鎮國軍五代梁改為威化軍唐復置為鎮國

軍本朝改為鎮潼軍

沿革表

縣沿革鄭即鄭桓公封邑秦為縣後周移於西南九里
隋又移於華州城內蒲城本漢重泉縣屬馮翊郡後魏
於此置南白水縣西魏始改蒲城縣唐改奉先縣屬京
兆府天祐間復屬同州五代時屬京兆本朝初屬同州
尋復蒲城縣華陰戰國屬魏為陰晉地秦改曰寧秦漢
始置華陰縣以在華山之陰故名唐分置潼津縣尋省

入華陰本朝仍舊渭南漢新豐縣地苻秦始置渭南縣屬京兆府後魏改南新豐縣及置渭南郡西魏復渭南縣後周屬雍州唐復屬華州本朝因之

同上

形勝太華山在華陰縣南十里即西嶽也 少華山在

州南東連太華山 玄象山在渭南縣東南三十里

堯山在蒲城縣北二十里相傳堯洪水時諸山盡沒獨

此山若浮故名 金粟山在蒲城縣東北山有碎石若

金粟然 白堂山在蒲城東北秦白起立寨於此故名

蟠龍原在蒲城西三十里唐明皇遊此見雲霧中有

黃龍狀乃於下得石狀似蟠龍因名 敷水在州東南

姜泉在渭南縣城內 金氏陂在渭南縣南二十里

漢昭帝以金日磾有功賜此陂 潼關在華陰縣東四

十里歷代皆為要地

輿地紀勝

人物漢楊震華陰人明經博覽時稱為關西夫子五十
始仕歷郡守拜太尉居官清白以四知却金 劉寬華
陰人性寬仁初守南陽以蒲鞭為朴後拜太尉封侯

隋楊素華陰人數進平陳之策累加上柱國封公 唐

張仁愿下邳人有文武才為洛州長史盜不入境後封

韓國公 郭子儀鄭縣人討安史之亂功居第一封汾

陽王八子四孫皆以才顯 楊綰華陰人性至孝大歷

中拜相制下朝士相賀奢侈者靡然改行 白居易下

邳人博學工詩初為左拾遺調江州司馬與元稹同名

時號元白後官至刑部尚書 皇朝寇準下邳人年十

九舉進士初知同州又判永興軍盡心民事後拜相契

丹入寇決策幸澶州後封萊公 蔣偕鄭縣人性至孝

父病嘗割股以療舉進士數上書論邊事累官忠州刺

史 韓丕鄭縣人幼孤貧讀書刻苦舉進士第初拜右

諫議大夫守正不阿後為翰林學士

同上

集函谷稱地險襟帶壯神京

唐太宗

西岳崢嶸何壯哉黃

河如絲天際來

李白

西嶽峻嶒聳處尊諸峯羅列似兒孫

杜遶街流渺渺夾砌樹陰陰

陸贄題
姜泉

瀑流蓮岳頂河注

華山根

賈閔仙

少華中峯寺高秋衆景歸地連秦塞起河

隔晉山微

張橋

雲斷岳蓮臨大路天晴宮柳暗長春

杜甫題鄭

縣亭

天地併功開帝宅山河相湊表龍門

薛陶臣

借問潼

關吏修關還備胡連雲列戰格飛鳥不能踰杜甫峽嶢大

華俯咸京天外三峯削不成河山北枕秦關險驛路西

連漢時平

崔顯

本朝建隆初為鎮國軍節度皇祐五年改鎮潼軍節度

開寶四年改奉先縣為蒲城建隆中自京兆隸同州天

禧四年自同州來隸華州熙寧六年省渭南為鎮入鄭

元豐元年復為縣舊自京北府來隸華州

沿革表

應被華

山高士笑天真喪盡得浮名

王旦

山色滿庭供畫障松聲

萬壑即琴絃

野花紅作陣溪水綠成行

並陳摅

板地三

峯冷翠微落岩飛瀑噴珠璣十丈玉蓮秋不謝半楞掌

月晝還飛

王慶長過華州詩

今日星馳劍南去回頭慚愧華山

雲

張覆之

華山宮殿白雲封不見當年打睡翁

王陽臣

空聞

華山名未始見顏色

劉無黨

經年但醉宜城酒千里誰擔

華岳圖

李九齡

耀州

倚郭一
外縣四

華原
富平

三原

雲陽

同官

郡號華原

威德

郡沿革天文井鬼分野禹貢雍州之域秦為內史地漢為祿祔縣地後魏置北雍州隋為宜君郡治華原縣唐廢置不一天祐初置耀州建義勝軍五代梁改曰崇州及改靜勝軍唐初復改為耀州又名順義軍本朝初復為威義軍又改威德軍

沿革表

縣沿革華原本秦內史地漢為祿祔縣唐置耀州屬華

原縣富平本漢舊縣屬北地郡治後周屬馮翊郡隋初屬雍州唐又徙治義亭五代梁屬耀州本朝仍舊三原本漢池陽縣地晉時苻秦置三原護軍以其地在清酇原孟侯原白鹿原間故名唐置三原縣屬耀州本朝因之雲陽本漢昭帝所置唐廢同官本漢祿祔縣地秦置銅官護軍以川為名後魏罷軍為銅官縣屬北地郡後周改曰同官縣屬宜州唐屬耀州本朝仍舊

同上

形勝土門山在州東南四里中斷如門磬玉山在州

東五里山出青石可以為磬 鑑山在州東年豐則山

中有光如鑑 堯門山在三原西北三十里其山兩合

如門 荆山在富平西南禹貢荆岐既旅即此 萬斛

山在富平東北山有石形如斗斛者以萬數 中山在

富平縣漢武帝獲寶鼎於汾陰薦之甘泉鼎至中山有

黃氣蓋焉 鄭國在富平縣南二十里

輿地紀勝

人物漢宣秉雲陽人少修高節光武初拜御史中丞後

拜大司徒 唐李靖三原人姿貌魁奇貞觀初出將入

相封衛國公圖形凌煙 韓瑗三原人博學曉吏事永
徽中為侍中王后之廢褚遂良之貶瑗力諫不納乞歸
田里 柳公綽華原人性孝友平生不讀非聖之書初
補校書郎嘗奏箴以諷憲宗遊畋累遷檢校左僕射其
弟公權舉進士為侍書學士穆宗時嘗以筆諫累官學
士承旨以太子太保致仕 皇朝劉長孺耀州人為簽
書博州判官廳公事劉豫僭號長孺以書諭以禍福豫
怒囚之百日終不屈

同上

集宮懸一聽華原石君心遂忘封疆臣

白居易題
磬玉山

磬囊

入海去不歸長安市人為樂師華原磬與泗濱石清濁

兩聲誰得知

同上

壓河連華勢巉巖鳥沒雲歸一望間楊

僕移關三百里可能全是為荆山

李義山題富
平荆山詩

北上惟

土門連天走窮谷

杜甫

本朝開寶五年為威義軍節度太平興國初改威德軍

沿革

荆山已去華山來日出潼關四扇開

韓愈

清平軍

倚郭一

終南

郡號鹽屋

郡沿革天文井鬼分野禹貢雍州之域本漢舊縣屬右扶風山曲曰鹽水曲曰屋故以為名後周徙縣於鄠縣西北而於此置恒州後置周南郡隋初以縣屬京兆唐改宜壽縣至德初復為鹽屋縣天復初屬鳳翔府本朝因之

沿革表

縣沿革終南本漢鹽屋縣地東漢省晉復置唐改為終南縣屬鳳翔府本朝因之

同上

形勝終南山在縣南三十里 石樓山在縣東峯巒層疊如樓 沉嶺在縣南五十里漢姜維出師經沉嶺即此 玉女洞在縣西南洞門旁有飛泉味甚佳飲可愈疾 芒谷在縣東南谷中有漢馬融讀書石室處 五

郡城在縣東舊說有義兄弟五人共居此城

輿地紀勝

人物漢陳遵終南人哀帝末以功封舊威侯性好客每會客取客車轄投井中 南北朝韋孝寬終南人沉敏和正涉獵經史西魏為浙陽郡守有政術後以功進大

司空上柱國 皇朝趙瞻盤屋人第進士歷知萬泉夏

縣皆有善政累遷同知樞密院事

同上

集洪河清渭天池濬太白終南地軸橫祥雲輝映漢宮

紫春光繡畫秦川明

杜牧之

野日初晴麥隴分竹園村巷

鹿成群

盧永言歸盤屋詩

貪看終南山色好不知紅日下前峯

王陽臣

本朝大觀元年陞為軍復置終南縣隸京兆府清平軍

使兼知終南縣

沿革表

古觀正依林麓斷居民來說水泉

甘亂谿赴渭爭趨北飛鳥迎山不復南

蘇軾遊五
郡城詩

誰知

南山下取水亦置符古人辨淄澠皎若鶴與鳬

題玉女
洞詩

延安府

倚郭一
外縣五

膚施
延川

延長

門山

臨

真

甘泉

郡號上郡 金明

郡沿革天文井鬼分野禹貢雍州之域春秋時白翟所
居秦屬上郡漢初屬翟國尋屬上郡東漢時郡邑俱廢
晉陷於戎後魏以為統萬鎮未幾置金明郡又改東夏

州後改為延州取延水為名隋初仍為州大業改延安
郡唐初復為延州天寶初改延安郡乾元初復延州五
代梁置忠義軍節度後唐改彰武軍本朝初仍為延州
屬鄜延路元祐中陞為延安府

沿革表

縣沿革膚施本秦舊縣屬上郡三國魏廢隋復置本朝
屬延安府延川本秦臨河地漢屬朔方郡隋改為延川
縣取界內延川為名唐屬延州又析置安民縣後改曰
延水本朝省延水縣入焉延長本秦漢膚施縣地後魏

置廣安縣唐改為延安縣屬延州本朝屬延安府門山
周宣帝分汾州雲巖二縣地置門山縣漢唐并本朝因
之臨真本漢高奴地後魏置縣唐本朝因之甘泉本漢
上郡雕陰縣地唐置伏陸縣天寶改甘泉縣鄜州本朝
屬延安府

同上

形勝嘉嶺山在府東南形勢高峻 伏龍山在府北以
形似名 雕陰山在甘泉縣南山多土穴為鷹雕所居
溫泉山在甘泉縣南下有溫泉 青眉山在延川縣

西北後魏時有土蕃青眉簇居此 牡丹山在府南

屏山在延長縣治南其形如屏 獨戰山在延長東北

山險峻一人獨戰可以當千 漱玉巖在延長東其中

可容百人泉出如練 延水在府東門外 延利渠在

府城南 龍尾水在膚施縣北 柳湖在府城南 甘

泉在甘泉縣南岩谷中飛流激下煬帝遊此飲而甘之

人物皇朝李繼周郡人太宗時以功遷殿直後討西夏

累功遷成州刺史 韓世忠郡人目瞬如電鷲勇絕倫

從高宗南渡以功封咸安郡王 張宗顏郡人父吉為

涇原將解宣威城圍死之宗顏補官累遷崇定寧承宣使劉豫入寇宗顏自泗州為張浚繼遇劉猷大破之卒

謚莊敏

並輿地紀勝

集雕陰寒食足遊人金鳳羅衣濕麝薰

韋莊題雕陰山詩

一株

豪渥人爭賞寧似延安花滿山遠近隨風香馥郁高低

迎目錦欄斑

李延壽

本朝元祐四年陞延州為府熙寧五年省豐林縣為鎮

熙寧八年省延水縣為鎮入焉

沿革表

種柳穿湖後延安

盛可遊遠懷忘澤國真賞即瀛州

范仲淹題柳湖詩

枝分清淺

流縱橫貫城市還如恩在人潤澤無終既

司馬光題延利渠

煙

雲常帶雨草樹不知春

暮煙凝塞上候火落天涯

並同

上

鄜州

倚郭一

宜川

郡號洛交

郡沿革天文井鬼分野禹貢雍州之域本秦漢上郡地

晉置吉城鎮後魏於鎮置東秦州又改為北華州後改為鄜州隋罷州置鄜城郡唐復為鄜州天寶初改洛交郡後置保大軍節度乾元初仍為鄜州本朝於州置康定軍

沿革表

縣沿革宜川本秦漢上郡地後魏置義川縣周改為丹陽縣隋復義川後改丹陽郡唐改為丹州縣屬焉本朝改為宜川縣

同上

形勝櫻桃山在州南上多櫻桃樹 龜山在州西以形

似名 鳳翅山在宜川東以形似名 雲岩山在宜川

北山形重疊如雲 孟門山在宜川北黃河中流 庫

利山在宜川縣境 開元坡在州北 汾川在宜川北

東流入黃河 三川水在州南 保大樓在州內唐時

建 廊時在州治秦穆公夢大蛇止廊時因此立時

塵玉亭在州內 二賢祠在州內祀杜甫范仲淹 渾

城祠在宜川境內 長城在州西南秦時所築 庫鍋

在宜川西北蕃之人香火同此 杜甫宅在州南

輿地紀勝

人物唐杜甫襄陽人後寓鄜州為右拾遺善詩為古今絕唱 法天本天竺摩伽陀國僧也寓居鄜州太祖召

見賜紫方袍

崔仲芳築城於鄜州有功

同上

集三川會合古鄜州紆紱來寬宵旰憂靜守化條無一事東風獨上夕陽樓

武元衡題保大樓

花落塵中玉墮泥香魂

應上窈娘堤欲知此恨無窮處長倩城烏夜夜啼

羅虬詩

開元坡下日初斜拜掃歸來走鈿車

韋莊題開元坡

三川不可

到歸路晚山稠落鴈浮寒水飢烏棲戍樓

杜甫

今夜鄜州

月閨中只獨看同小會三川碧漾波雕陰人唱採菱歌

玉鄭

本朝太平興國中改義川為宜川以郿州廢威寧縣入

焉熙寧三年省汾川縣七年省雲巖縣為鎮八年析同

州韓城縣新豐鄉並入宜川

沿革表

兩載郿城著小冠一

臺高築地平寬向陽花木齊教放天下無春似此間

並杜純祐題郿臺

貌虎有威開玉帳犬戎無戰掛金鉏

向文簡

坊州

倚郿一外縣一

中部宜君

中部軍州事

郡沿革天文井鬼分野禹貢雍州之域本漢左馮翊翟道地隋屬上郡唐置坊州本朝仍舊

沿革表

縣沿革中部本漢馮翊郡地渠樓中部都尉治此姚秦置中部郡後魏改中部縣大統中改曰內部隋屬上郡唐復改中部縣本朝因之宜君本漢左馮翊後魏縣地符秦置宜君護軍後魏改為宜君縣及置宜君郡隋為宜州唐州縣俱廢後復置縣屬坊州本朝因之

同上

形勝橋山在州東北其山水通如橋狀即軒轅皇帝
葬衣冠之所 玉仙山在中部縣西時有仙人往來於
此 石堂山在中部縣治西北周穆王命駕六駿之馬
造父為御南征朔野陞於太行即此 玉華山在宜君
縣西上有玉華宮 東移泉在中部縣東軒轅思飲揚
子江水因得此泉其味如之上有黃帝廟并石碣存
滴珠泉在中部縣西南一里石岸下滴水如珠 太子
山在宜君縣東南相傳扶蘇獵於此 鳳凰谷在宜君

縣南谷中有地九頃許有五色雀見故名

輿地紀勝

人物上古軒轅黃帝生坊州

秦文公居坊州

皇朝

楊偕中部人舉進士性剛而忠朴上疏論時政甚切累

遷翰林侍讀學士

同上

集天空絕塞間邊鴈葉盡孤村見夜燈

劉顯靈

本朝熙寧元年省西平縣為鎮入宜君

沿革表

秋聲不見

黃花色崖我泉通一竅清恰似宮壺沉漏夜還如閣雨

滴簷聲

唐琦

瓊珠寒併苔痕滑玉露朝晞草色輕

唐琦

綏德軍

倚郭一
外縣一

清澗
米脂

郡號上郡

郡沿革天文井鬼分野禹貢雍州之域本秦上郡地號陽周漢為鵬陰縣地晉為赫連勃勃所居後魏於此置上郡又分置綏州隋改為上州大業初廢雕陰郡唐為綏州天寶中改上郡乾元初復改為綏州本朝元符初置綏德軍

沿革表

縣沿革清澗本故寬州舊地康定初置為清澗城屬延

安府後置清澗縣屬綏德軍米脂本延川郡地寶元中

置米脂寨元豐中改寨為城屬綏德軍

同上

形勝䟽屬山在軍境昔上帝桎貳負之臣於䟽屬即此

筆架山在清澗縣西 無定河在清澗東 嗚咽泉

李廣寨 孤山寨 開元堡 扶蘇墓 嵯峨山

雕山 共有二十餘處俱在軍境 滿堂川在州東宋

女將楊滿堂在此屯兵 大理河在州西北本朝种放

復綏州夜渡大理河即此 嗚咽泉在州南三里即秦

太子扶蘇自縊處 黑水河在青澗縣一百里 銀川

關在米脂縣西 流金河在縣南每歲居民引以灌田

其利如金故名

輿地紀勝

人物唐張平高綏州人從高祖平京城累授左領軍將

軍封蕭國公 皇朝李浩綏州人通兵法以破儂智高

為廣西都監後官至副都總管 高永能清澗人勇力

善射從种諤取綏州五戰皆捷後至團練使 李永奇

清澗人性忠貞不從金人叛家屬二百口遇害

同上

集雕陰無樹水南流雉堞連雲古帝州明妃去日花應

笑蔡琰歸來鬢已秋

韋端已

舉國賢良盡淚垂扶蘇屈死

戍邊時至今谷口泉鳴咽猶似當年恨李斯

胡曾

一曲單

于暮風起扶蘇城上月如鉤

韋端已

本朝熙寧三年收復唐綏州廢為城隸延州元豐七年

以延州米脂等六城若隸綏德城元符二年改為軍

沿革

表天下精兵掌握間便宜長嘯入秦關奈何伏劍區區

死不辨書從趙李奸

孔武仲

慶陽府

倚郭一
外縣二

安化
合水

彭原

郡號安化

郡沿革天文井鬼分野禹貢雍州之域周之先不窋所
居號北幽春秋時為義渠戎國秦以其地屬北地郡漢
因之東漢至晉復陷於戎後魏置朔州後周廢隋置慶
州後改為弘化郡唐初復為慶州天寶初改安化郡至
德初改曰順化乾元初復為慶州陞安定軍五代梁改
武靜軍本朝仍為慶州

沿革表

縣沿革安化周春秋戰國時為義渠戎國秦為北地部
漢為郁郅縣屬北地郡王莽改曰功著東漢晉俱廢後
魏後周皆為鎮隋置合水縣唐初改合川縣後改改化
縣又改安化縣又改順化縣本朝為安化縣合水秦屬
北地郡漢為歸德縣魏置蔚州及華池縣後周州縣俱
廢隋置合水縣以建水北川相合故名唐置合川縣又
析置蟠交縣後省合川入弘化又改蟠交曰合水五代
省合水入樂蟠本朝復置合水縣以華池樂蟠二縣省

入彭原本唐寧州地天寶初改彭原郡屬關內道治彭原縣本朝熙寧二年來隸慶陽同上

形勝景山在府城西上多奇木怪石及獐鹿猿獐之屬
太白山在府城北黑水河發源於此子午山在合
水縣東綿亘八百餘里黃帝葬衣冠處馬嶺在安化
一名箭枯山漢之牧馬地上有果實猿鳥岩洞幽邃

東河在府城東來自沙漠西河在府城西來自環河
白馬川在府城西白豹川在府城北玉梅川在

府合水縣東 鳳川在合水東北中多鷗鷺春月遊賞
可愛 平戎川在合水東北 靈溝水在府城北 華
池水在合水縣東 玉泉在合水縣西 聖公泉在合
水縣治能愈百病上有亭 寶泉在合水縣北 鵝池
在府治東 鹽池在府城北有二池大者週八十里小
者週二十七里 花馬池在府城北週圍四十三里與
馬槽亭羅濫泥鍋底等池皆相近 紅柳池在府北週
圍二十五里 石溝池在其西 蓮華池在其東 安

化樓在府城內 臨川閣在府內 柔遠亭在府城傍

西有寨 驛馬關在府城南 橫山寨在府境 懷威

寨在城東 天固堡在彭原縣南 不窰塚在府城東

碑久剝落尚有片石 傅介子墓在府西 范仲淹祠

在府城內 郭子儀墓在合水縣東 靈武城在府境

唐列聖碑在合水縣北

興地
紀勝

人物上古岐伯郡人黃帝嘗與論醫有素問難經行於
世 夏不窰后稷之子居邠為周之祖 漢公孫昆邪

郡人為隴西太守以功封平曲侯 公孫賀昆邪孫為
騎士後以功封南窳侯子敬聲代為太僕並居卿位

傅介子郡人使大宛斬樓蘭有功封義陽侯 甘延壽

郡人善騎射初為郎後奉使西域斬郅支單于封義城

侯 皇朝張吉合水人初為淮安鎮守烽卒夏人執之

使給城中降吉不從死之事聞贈內殿崇班又錄其子

王庶郡人舉進士知保定縣後為廊延經畧使累立

戰功

同上

集山股逗飛泉泓澄傍巖石亂垂寒玉條碎洒珍珠滴

唐人題合水縣玉泉詩

北川澗水河南流邑治因名幾百秋

同龍上

武新軍深駐輦芙蓉別殿謾焚香

杜甫

血戰乾坤赤氣迷

日月黃近賀中興主神兵動朔方

杜子美送靈武李判官

黃沙百

戰穿金甲不破樓蘭終不還

王少伯

邊雪藏行徑林風透

卧衣靈州聽曉角客館未開扉

賈島

高居在幽嶺人得見

時稀寫錄局虛白尋僧到翠微

項子遠題太白山隱者

太白山中

寺師居寂上方獵人偷佛火標鼠戲禪牀定久衣塵積

行稀徑草長有誰來問法林杪過殘陽

顧飛熊贈太白山無能禪師

本朝建隆元年陞團練乾德元年復為軍事政和七年

陞為節度宣和七年改慶州為府

沿革表

陝右號名郡慶

陽乃雄鎮臨拊多時才結構甚閎峻城端聳華閣十里

歸一瞬不窰陵廟存其傍接烽燼人家住深崦簷瓦俯

可認陶穴尚遺風前書自傳信俯窺鵝池泉窈黑深萬

仞黃流繚如帶漱漱似湍迅地險誠在茲賊騎安可近

蔣之奇

維慶有祠邦民式思慶山可夷茲堂巍巍

穆衍贊范文正

公祠阿兄兩持慶州節十年麒麟地上行

黃山谷

邠州

倚郭一
外縣四

新平

宜祿

三水

定平

淳化

郡號新平

郡沿革天文井鬼分野禹貢雍州之域古西戎地後公
劉所居為豳國地秦屬內史漢為右扶風北地安定三
郡地東漢置新平郡治漆縣後魏置南豳州後廢北豳
州去南字隋省豳州義寧初復新平郡唐復豳州尋改
邠州天寶初復新平郡乾元初復邠州陞靜難軍本朝

屬永興路

沿革表

縣沿革新平本漢漆縣後魏置白土縣隋改新平本朝因之宜祿在州城西後魏置縣本朝因之三水西漢末三水人盧芳據此吳漢擊之不克即此縣也定平本定安縣地唐初析置此縣屬邠州後屬寧州本朝屬邠州淳化本漢馮翊郡之雲陽縣本朝淳化中始析縣之黎陽鎮置淳化

同上

形勝紫微山在州西南上有屯兵砦 壽山在州境內

頂平有茂林修竹之勝 石門山在淳化縣北六十里

山有石如門 萬壽湫在三水縣北二十里唐大厯間

因風雷而成 金泉在淳化縣東南世傳目昏者洗之

可明 履跡在州南門外相傳為姜嫄履巨人跡處

宜祿川在宜祿縣內

輿地紀勝

人物唐侯君集三水人以才雄稱從太宗征伐有功平

高昌刻石紀功而還封潞國公圖形凌煙 皇朝張舜

民新平人善為文中進士元祐初司馬光薦其才器秀

異剛直敢言召為御史後為吏部侍郎 張確宜祿人

元祐中進士宣和中判杭州後知隆德軍以不降金死

節欽宗悲哀之贈述古殿學士

同上

集終歲山川路生涯竟若何艱難為客慣貧賤受恩多

暮角飄殘韻寒流起夕波懸愁茂陵宅喜色又相過

耿偉

邠州
留別

同遊漆沮後已是十年餘幾度曾相夢何時定得

書

同上

月高城影盡霜重柳條疎且對樽前酒千般想未

如

並同

本朝熙寧五年以定平縣隸寧州政和七年自寧州來

隸淳化四年陞耀州雲陽黎國鎮為淳化縣

沿革表

烹葵

剝棗古年豐莫管時殊俗自同太守召農須勉聽從今

再願頌邠風

范仲淹邠州勸農

南邠地勝少與侔我來時與諸

君遊飛泉六月鳴琅球桃花兩處夾涇流

蔡忠懷

寧州

倚郭一外縣二

定安襄樂

真寧

郡號彭原

郡沿革天文井鬼分野禹貢雍州之域本公劉邑秦置

義渠縣始皇時為北地郡漢為泥陽縣地後魏於此置
華州又改邠州西魏改寧州隋改北地郡唐為寧州又
改彭原郡本朝復為寧州

沿革表

縣沿革定安魏置州內本朝因之襄樂本漢襄洛縣後
魏改曰襄樂嘗於此置燕州真寧本漢陽周縣地屬上
郡後魏於此置泥陽惠涉二護軍隋改為羅川縣屬寧
州唐天寶初於此獲玉真人像更名真寧縣本朝仍舊
形勝撫琴山在真寧治南唐玄宗夢群仙處山畔有洞

風來有聲彷彿若琴音故名 羅山在真寧縣唐天寶

初嘗獲玉真人像二十七於此 橫嶺在州東一百里

蓋子午山別阜也 安定巖在州西岩壑如潑黛石可

以鐫硯 畫山石在州境石上有文粲然若戰馬狀無

異畫圖故名 珊瑚川在州西旁有龍祠 金沙泉在

州城南其水有沙如金 狄仁傑廟在州內唐垂拱中

建

興地
紀勝

人物三國傳涪州人介子六世孫弱冠知名仕魏為河

南尹累遷尚書右僕射後以功封陽平侯 晉傅咸州

人識性明悟累官御史中丞時稱其直 皇朝李彥仙

州人有大志靖康初應募勤王以功授石壕尉屢敗強

敵後以孤城無援投河而死贈新武軍節度使

同上

集澄波涵萬象明鏡瀉天色有時乘月來賞詠還自適

唐人題
寧州泉

本朝宣和元年賜軍額

沿革表

一語喚回鸚鵡夢九霄奪

得鳳雛還荒墳寂寞臨官道清迥孤高重太山

題仁傑墓

醴州

倚郭一
外縣四

奉天
永壽

武功

醴泉

好畤

郡號奉天

郡沿革天文井鬼分野禹貢雍州之域秦為內史地漢為左馮翊之池陽縣地晉屬扶風郡後魏為咸陽郡寧州縣地隋改寧州為醴泉屬京兆郡唐析醴泉等五縣地置奉天縣又置乾州五代梁為威勝軍唐復為乾州屬鳳翔府本朝罷政和中復置改為醴州

沿革表

縣沿革奉天秦內史地漢屬左馮翊晉屬扶風後魏為

巨寧縣隋改醴泉唐置奉天縣永壽在州城北九十里
古豳國地漢為右扶風之漆縣地後魏置廣壽縣後周
改永壽縣隋省入新平縣唐復析置神龍中屬京兆府
景龍初復屬邠州本朝屬醴州武功在州城西南六十
里古為邠國后稷所封地秦孝公始置武功縣後魏改
美陽縣又置武功郡後周俱省尋復置武功縣醴泉在
州城東七十五里本漢左馮翊谷口縣地東漢及晉為
池陽縣後魏改寧巨縣隋改醴泉縣因後周醴泉宮為

名唐初析置溫秀縣後省入醴泉本朝割屬醴州好時

在州東七里本漢縣後周省本朝復置

同上

形勝梁山在州北五里古公亶父踰梁山至岐下即此

烈山在永壽縣三里有烈山神祠 明月山在永

壽縣西南九十里夜望之如月明故名 峴山在永壽

縣西南九十里其山巍然故名 武將山在醴泉縣西

北十八里 九峻山在醴泉縣西北六十里高百餘丈

承陽山在醴泉西北五十里左右有水合流上有唐

太宗昭陵 太白山在武功縣南九十里山極高上恒積雪望之皓然軍行不得鳴鼓鳴則疾風暴雨立至上有洞名十一洞天又有橫雲如瀑布則澍雨上有太白湫有神龍歲旱禱雨多應 武功山在武功縣南一百里北連太白山巖巍秀傑 五丈原在武功西南七十里即諸葛亮屯兵處 醴泉在醴泉縣東南二十里泉湧出味如醴 良溝泉在武功北十五里引以溉田邑民賴之 呂公泉在永壽縣 慶善宮在武功南十八

里 穆陵關在永壽南四里 竇女墓在州北二十里
人物南北朝蘇綽武功人博物多通為宇文泰行臺郎
中周惠達稱其有王佐才官至度支尚書 唐劉文靜
武功人有大志與太宗謀起義後為民部尚書 蘇世
長武功人初拜諫議大夫後使突厥爭禮不屈朝廷壯
之 蘇良嗣世長子官至太常 蘇源明武功人工文
辭累官國子司業 趙隱奉天人父死朱泚之難廬墓
十餘年不應召後擢第拜相 皇朝游師雄武功人學

於張載第進士累遷直龍圖閣

並輿地紀勝

集太白何蒼蒼星辰上森列去天三百尺邈爾與世絕

李太白

西上太白峯夕陽窮登攀太白與我語為我開天

關上

舉首可近月前行若無山一別武功去何時復見

還上

縣去帝城遠為官與隱齊馬隨山鹿放雞雜野禽

棲姚合題武功縣

移花兼蝶至買石得雲繞同小市柴薪貴貧

家砧杵閒

同上

山宜衝雪上詩好帶風吟同吏來山鳥散

酒熟野人過岐路荒城少煙霞遠縣多同引水遠通澗

疊山高過城

同上

閉門風雨裏落葉與階齊

同上

夜犬因風

吠鄰鷄帶雨鳴

同上

移山入院宅種竹上城牆驚蝶移花

藥游蜂帶蜜香

同上

掃舍驚巢燕尋方落壁魚

同上

長憶深

山下深居遂性情

同上

遙瞻太白雪喜近武功天

杜甫

居枕

江沱北情懸渭曲西隴色澄秋月邊聲入戰鼙

賈島寄武功主

簿

本朝熙寧五年廢乾州以奉天還隸京兆府政和七年


復以縣為州更名醴

沿革

南陽尚隱起龍盤五丈星流

大將壇圖分八陣遺沙石表歷千秋見肺肝

前人題
五丈原



記纂淵海卷二十四